


宋史全文續資治通鑑

二十八



寧宗

嘉定元年春正月戊寅右諫議大夫葉時殿中侍御史黃疇若
 監察御史章燮余崇龜等上言侂冑專政無君僭上不道乞梟其首
 領置之淮甸積屍叢塚之間以謝天下不許辛巳章再上又不許○
 詔曰朕以眇躬獲逆洪業所期恭已洽可致於無為乃昧知人失浸
 成於偏信自奸臣之怙勢畏公議之靡容屏蔽聰明排斥忠直利害
 莫從而上達威福自得以下移逮茲更化之初亟出求言之令倏再
 踰於月律猶罕見於奏封豈習俗相仍激昂者寡抑精誠弗至寤思
 者多厥今百度未釐一處未靖人才乏而未究搜羅之術民力困而
 未明惠養之方救此弊端寧無良策乃若箴規主失指摘奸邪人所
 言朕皆樂聽倘有裨於事實詎敢吝於褒章其或過差務從寬假
 凡我縉紳之彥暨于芻蕘之微父鬱之懷諒欣聞於申命竭誠以告
 庶共底於丕平○壬午監登聞鼓院王柎自河南通書回持金人牒
 求韓侂冑函首詔侍從兩省臺諫集議丙戌右諫議大夫葉時等復
 請梟韓侂冑函首於兩淮詔三省樞密院詳議以聞○壬辰同知樞
 密院事史彌遠知樞密院事起居郎許奕為金國通謝使閣門舍人
 吳衡副之○二月丁未陞天水縣為軍○戊申追復故相趙汝愚觀
 文殿大學士盡叙元官謚曰忠定○詔史官應紹熙以來韓侂冑事
 迹及姦言誣史並行改正於是彭龜年孫逢吉呂祖儉以次賜謚錄
 後黨錮諸賢以次召用○壬子詔臨安府賑濟流民○甲寅雪○戊
 午前四川宣撫使程松授果州團練副使賓州安置甲子罷前吏部
 尚書劉德秀遺表贈官○是月郴州黑風峒寇羅世傳為亂招降之
 ○三月癸酉以毛自知首論用兵奪進士第一大恩例○戊子詔曰
 朕臨御以來仰遵累朝恭儉之規菲食卑宮躬行以移風俗而志勤
 道遠觀感未孚况姦倖弄權故相同惡上下交利賄賂公行監司郡
 守並相倣效貪婪無厭狼籍已甚朕方厲精更始申加訓飭以儆有
 位繼自今各務精白一心以承至意其有緣公濟私尚為故態必罰
 無赦尚其戒哉○復秦檜王爵贈謚○己丑監登聞鼓院王柎自軍
 前再還行在議以韓侂冑首梟於兩淮壬辰以函首事降黃榜曉諭
 兩淮荆襄四川乙未詔臨安府遣東南第二副將尹明斷侂冑棺取
 其首送江淮制置大使司○是春皇子均生○夏四月丙辰詔後省

寧宗嘉定元年

信實

乃胡冠

官

學

科別羣臣奏疏可行者以聞○贈彭龜年寶謨閣直學士落李沐寶
 文閣學士○戊午韶州安置陳自強再責授復州團練使雷州安置
 仍籍其家○閏四月辛未置拘推安邊錢物所○壬申兩窻○癸未
 皇子均薨追封肅王謚曰冲靖○詔大理三衙臨安府及諸路闕兩
 州縣決繫囚釋杖以下○甲申詔曰朕更化厲精祗若古訓為萬世
 長策先周其大者皇太子溫文粹美學問夙成欲使與聞國論通練
 事機以增茂諸德二三大臣各兼師傅賓僚用申羽翼之助其相與
 協心輔導成朕愛子之義以綿我家無疆之慶是惟休哉自今每遇
 視事可令皇太子侍立宰執赴資善堂會議○乙酉右丞相兼樞密
 使錢象祖兼太子少傅參知政事衛涇雷孝友簽書樞密院事林大
 中並兼太子賓客○辛卯以旱禱于天地宗廟社稷癸巳減常膳乙
 未蠲兩浙闕兩州縣貧民逋賦命大理三衙臨安府兩浙州縣決繫
 囚丙申幸太一宮明慶寺禱雨○丁酉詔曰朕惟祖宗傳序之重祗
 懼靡遑而去歲以來蝗蝻為災冬既無雪春又不雨夏且半矣祈禱
 不應天災流行固亦有之在於令茲關繫實重邊鄙甫定流徙未復
 漕運不至乘價已增苟失歲事何以保邦傳不云乎至漏在上知之

在下其播告中外凡朕躬不逮朝政闕失田里愁歎軍民疾苦盡言
 無隱朕將採而用之無小無大惟既乃心稱朕意焉○五月辛酉御
 集英殿賜禮部奏名進士鄭自成等四百二十有六人及第出身○
 甲子太白經天○乙丑以飛蝗為災減常膳丁卯詔侍從臺諫條上
 闕政監司守令條上民間利害○是月初光宗既祔廟當議配享而
 一朝三相中周必大留正皆嘗以學黨得罪故論者欲用葛郊及是
 黨禁解必大之子新知筠州綸乞以其父配享廟庭詔兩制禮官詳
 議其後正之孫祕閣校理元剛復言其祖首侍崇陵講讀後在相位
 始終六年當以其祖配權禮部尚書章穎乃乞並用二公配享後亦
 不果行焉○六月庚午金虜歸大散關辛未歸濠州又歸隔芽關○
 乙亥衛涇罷○甲申簽書樞密院事林大中薨于位○乙酉以蝗生
 禱于天地社稷○丙戌詔侍從兩省臺諫舉訟邊守臣○辛卯史彌
 遠兼參知政事○秋七月辛丑賜呂祖泰官先是祖泰以上書忤韓
 侂胄配欽州軍城至是改正過名特補上州文學尋改授迪功郎監
 潭州南岳廟○癸丑丘宗同知樞密院事○甲寅許奕歸自虜庭○
 八月戊辰出豐儲倉米賑貧民○辛未丘宗薨于江陰之里第○甲

寧宗嘉定元年

侍從臺諫兩省詳議會子折閱利害○辛巳婁機同知樞密院事
 樓鑰會書樞密院事○丙戌詔禮部侍郎許奕起居舍人曾從龍考
 訂監司守令所條民間利害擇可行者以聞其未條上者趣之○甲
 午出米二十萬石賑江淮流民○九月己未先是金虜遣諭成使元
 類侃喬宇來辛丑入見至是以和議成諭天下○乙丑大風○降德
 音于公邊諸州○是秋背嵬軍謀議以九月二十八日安資政生祠
 落成之日舉事已結連劔利諸軍矣前一夕安公家人夢聽事下有
 坐甲者數百是日安公心忽動俄有告變者捕為首八人誅之隆慶
 府後軍統制官張林知其謀命憲臣宋正仲鞫實獄成當死詔以其
 有誅叛之罪奪防禦使除名嶺南羈管云○冬十月丙子錢象祖為
 左丞相史彌遠為右丞相留孝友為樞密院事兼參知政事婁機參
 知政事樓鑰同知樞密院事○已卯瓌錄慶元上書楊宏中徐範張
 衡各循一資周端朝林仲麟各免文解蔣傳已亡詔以東帛賜其家
 ○庚辰伯祝為安定郡王○癸未金主遣使來賀瑞慶節○是月詔
 蔡璉追毀出身文字除名勒停配贛州軍城○詔賜朱熹謚依條與
 遺表恩澤太常博士章徠初議謚曰文忠考功即官劉彌正覆謚議

曰謚古也復謚非古也謚法曰謚生於行者也苟當於行一字足矣
 奚復哉其議畧曰六經聖人載道之文也孔氏沒獨子思孟軻氏述
 遺言以持世斯文以是未墜漢諸儒於經始采摭以資文墨涉隋唐
 間河汾講學已不造聖賢闢域最後韓愈氏出或謂其文近道耳蓋
 孔氏之道賴子思孟軻氏而明子思孟軻之死此道幾熄及本朝而
 又明濂溪橫渠二程子發其微程氏之徒闡其光至公而聖道粲然
 矣初太常議以文忠謚公按公在朝廷之日無幾正主庇民之學鬱
 而不施而著書立言之功大暢于後合文與忠謚公似是而非也有
 功於斯文簡矣而實也本朝歐蘇不得謚文而得之者乃楊大年王
 介甫介甫經學不得為醇其事業亦有可恨大年政復文士耳文乎
 文乎豈是之謂乎世評韓愈為文人非也原道曰軻之死不得其傳
 斯言也程子取之公晚為韓文考異一書豈其心亦有合與請以韓
 子之謚謚公從之乃謚曰文

此寧寧宗皇帝轉移士習之機也慶元以來權倖擅朝為
 以排天下之正李黨以空天下之名流人心憤鬱矣今權倖誅
 殛天開日明海內翹首以觀惟新之化而聖意拳拳首節惠之
 典於文公一時孝者知所趨向矣豈非吾道之幸哉

寧宗嘉泰元年

先生以一心而窮造化之厚盡性情之妙達聖賢之蘊以一身而體天地之運備事物之理任綱常之責明足以察其微剛足以任其重弘足以致其廣毅足以極其常其存之地虛而靜其發之也果而確其用之也應事接物而不窮其守之也歷變履險而不易本末精粗不見其或遺表裏初終不見其或異繼往聖將微之旨啓前賢未發之機辨諸儒之得失闡異端之訛謬明天理正人心事業之大又孰有加於此者切聞道之正統待人而後傳自周以來任傳道之責得統之正者不過數人而能使斯道彰彰較著者一二人而止耳由孔子而後曾子子思繼其微至孟子而始著由孟子而後周程張子繼其絕至先生而始著蓋千有餘年之間孔子孟之徒所以推明是道也既已燼燼殘缺折穿鑿而微言絕矣周程張子崛起於斯文運繼之餘人心懷靈之後扶持植立厥功偉然未及百年蹟駁尤甚先生出而自周以來聖賢相傳之道一旦豁然大明中天

○丙辰金主璟卒無子金人立葛王襲之子允濟嘉慶六年○十一月戊午右丞相史彌遠以母喪去位○癸亥皇太子請門史彌遠第于行在令就第持服許之○庚午四川初行當五大錢○十二月戊辰左丞相錢象祖罷○陞嘉興府為嘉興軍○杖殺利州忠義人李大用初李大用與其徒結集屯駐諸軍欲以其日舉事先縱火焚倉庫然後殺總領轉運及西統制據城為變部分已定其徒趙吉懼事不濟

相 李 大 用 伏 誅 黎 州 寇 下 伏 誅 沐 霖

遂詣總領所告變捕得李大用即收場杖死之其徒死者八千緡送蓬州養老吉行至葭萌縣大用之黨追殺之裂其死棄之於道取其錢而去○李沐再奪二官信州告住○戊寅改命曾從龍弟祭金國○已卯黎州蠻蓄卜寇邊破州之稠子寨先是蓄卜之弟巴至三衛為人所殺部將趙鼎總轄官魏大受懼生事脅害之丁以骨價錢三千三百引償之在紹熙五年有白水村青羌往來渡岷也其民舊與青羌交通慶元初郡徙之安靜寨青羌不以為便乞還之白水開禧既而蓄卜又言大受嘗以袍印許之而不獲欲與青羌偕往邛部川假道女兒城以入寇於是寨言于州乞以財帛送都王母令假道知州楊伯昌從之開禧三年至是秋卜蓄遂以兵至三村總轄官董忠顯連告急伯昌命嚴兵待之俄伯昌召去朝奉即趙公庠代為守聞羌人且至遣禁兵八十偕丁往拒之兵至葭坪而蓄卜已渡河軍丁迎敵不勝進攻葭坪寨官軍射退之遂掠三松蚕沙橫山三增白羊諸杜又進據茹山而安靜民溪前坪谷堆諸寨皆為所隔公庠亟遣西兵正將党壽以所部七十人及土丁俱往策應壽輕敵徑進戰于茹山官軍失利郡又調西兵禁兵之未發者命興元府後軍

嘉宗 嘉定 元年

統制王光世將之以行羌人自茆坪寨下以皮船載生兵渡河寨官李茂引兵至河際射之一舟八人俱溺光世憐羌人勢盛留屯三衝不敢進羌人焚掠既盡乃渡河南歸光世乃為走捷旗稱會合兵丁趕逐羌賊道路已通時並河諸村生業無遺矣○癸未前右丞相史彌遠辭賜第許之○己丑太府卿宇文紹節為賀金國登位使閣門舍人周登副之○是月御筆趙汝愚特贈太師進封沂國公○是歲江淮制置大使司汰部淮軍歸農淮東揀刺八千餘人以補鎮江大軍及武鋒軍之闕淮西揀刺一萬六千餘人以爲御前武定軍

己巳嘉定二年春正月庚子詔內外有司條陳節用之事○二十五金主遣裴浦正孫椿來告哀○詔遵議軍聽珍州節制○丁巳同知樞密院事樓鑰參知政事御史中丞章良能同知樞密院事吏部尚書宇文紹節僉書樞密院事○庚申金主遣蒲察知剛劉仲淵來一貳遺留物○詔侍從兩省臺諫各舉監司郡守治行尤異者二三人○癸亥賜故相趙雄謚曰文定○二月己巳金主遣使來告即位○庚午黎州蠻寇邊犯良溪寨官軍與戰敗焉先一日軍正程伯雄引兵至安靜寨翊曰羌賊自聖波城下引兵二千過河多軍統領

前寨遣兵援之衆寡不敵皆爲羌兵掩殺壬申伯雄遣大兵千餘人拒敵西義勇陣于山下禁軍義勇次之土丁義勇陣于河濱布陣甫畢羌人已逼箭擊皆無所施賊先攻西義勇將官鞠忠引衆走陣遂亂禁軍義勇悉爲所圍將官遭逆戰死賊乘勢逐官軍至寨下甲戌羌賊乃歸制置司聞之復遣興元府右軍準備將劉信將移屯兵三百往援合前後所遣義勇而兵凡九百命成都府總管馮興統之而賊去遠矣○壬午詔會子折閱日其侍從兩省以下各條上所見○丁亥罷法科試經義六場舊法○戊子大風○壬辰遣內侍趣前右丞相史彌遠還行在賜第○三月丙申雨雹○辛丑罷諸軍招軍○己酉詔民以減會子之直籍沒家財者有司立還之○戊午禁兩淮官吏私買民田○庚申命浙西及松江諸州給流民病者藥○辛酉罷漳泉福州興化軍賣廢寺田○壬戌出內庫錢十萬緡爲行在貧民棺槨費○夏四月乙丑詔諸路監司督州縣捕蝗○戊辰江淮制置司言敢放廬州忠義一萬五百餘人歸農○辛未詔有司條上明堂冗費○甲申賜行在諸軍死者棺錢○戊子賜揚震仲謚曰節毅○五月丙申史彌遠起復右丞相○丁酉以旱詔諸路監司決繫囚

劾守令之貪殘者○借補訓武郎羅日愿等謀為變日愿者江西人開禧之用兵也以策干韓侂胄得官充忠義軍統制侂胄既誅其黨閩人劉鐸為浙西提刑司檢法官坐口語送大理其詞頗連日愿朝廷恐其枝蔓不復治第流鐸於湖南日愿不自安且鬱鬱不得志密結惡少是歲春焚惑入太微垣犯左執法日愿謂主官庭及大臣有各遂與毅前司中軍訓練官楊明及其徒徐濟趙珉等合謀以收黑風峒徭人為名聚眾為亂部分已定有守闕進勇副尉景德常在臨安日愿令濟珉邀德常共泛西湖至臘脂嶺以所謀告之且許事成以為戶部尚書兼知臨安府德常乃投匭上變事下大理戊戌獄成日愿磔于市其徒十二人論死餘悉黥隸廣南及海外州○庚子詔侍從兩省臺諫各舉監司郡守有政績才望者二人以補即官之闕○辛丑申命州縣捕蝗○癸丑詔兩淮荆襄守令以戶口多寡為殿最○乙卯釋大理三衙臨安府兩浙州縣杖以下囚除茶鹽賞錢○己未以旱詔羣臣上封事庚申禱于天地宗廟社稷○六月癸亥朔命浙西諸州諭民種麥豆毋督其租○詔羣省及諸路監司速決滯獄○戊辰奉安成肅皇后神御于景靈宮○乙酉復禱雨于天地宗廟社稷○己丑命江西福建二廣豐稔諸州糴運以給行在仍償其費○辛卯京湖制置司言放散諸州新軍及忠義二萬六千人餘歸農○秋七月癸巳命有司舉行寬卹之政五條○乙未詔凶荒州郡七歲以下男女聽異姓收養著為令○己亥蠲信陽荆門漢陽軍民賦○壬寅命兩淮轉運司給諸州民麥種○癸卯募民以賑飢免役○甲子聽兩淮諸州民行鐵錢於松江八州○乙丑安丙為四川制置大使罷宣撫司○甲戌御大慶殿冊皇太子丁丑皇太子謁太廟戊寅詔皇太子改名詢○己卯黎州蠻復寇邊○丙戌出米十萬石賑兩淮飢民○九月己亥朝獻景靈宮庚子朝享太廟辛丑合祭天地于明堂赦天下○丙午增太學內舍生千員○癸丑命吏部郎官劉燭等審定中外所陳會子利害上于朝○己未遣大理鄉費培賀金主正旦○冬十月壬戌以徐邦憲兼知臨安府時都城米價踴貴楮幣不通乞西之人有羣攫餅餌于傳法寺前者御史臺上章論守臣區處無策邦憲西免章四上乃免兼知臨安府○丁卯命京湖制置司募逃卒及放散忠義以補廂禁軍之闕○丁丑金主遣使來賀瑞應節○己丑命兩淮轉運司給諸州民種減公私旁廊白地錢

張林
作亂

黑風
洞寇

贖李
顯忠
盜

詔招
論群
盜

中興
降詔

與黎
蠻戰
失利

什三如淳熙故事○十一月辛卯朔西州統制張林等謀作亂事發
貸死除名廣南羈管○甲午詔浙西監司募飢民修水利○乙未以
歲飢罷零宴○是月郴州黑風洞寇李元礪為亂黑風洞屯在郴吉
之間而地屬郴之桂陽縣初羅孟二者名山傳洞之首酋也去年出
傳出掠省地已而受招詔補承節郎去年二月出傳之犯省地也郴
州舉人李元礪嘗助官軍擊賊元礪素以武斷鄉曲群盜皆畏之比
世傳受招論功行賞而元礪不及遂去為盜盜推為帥時江湖方艱
食飢民及汰兵多附之遂至數萬至是連破吉郴諸縣詔遣荆鄂江
池大軍討之○十二月壬戌賜李顯忠諡曰忠襄○甲子四川制置
大使司調官軍渡河與黎州蠻戰官軍大敗○乙亥詔諸州毋糶賊
田租○是歲旱蝗○揚楚衡郴吉州南安軍盜起

嘉定二年春正月甲辰詔曰朕以眇身君臨方夏明有未燭德
有未孚頃緣奸臣妄開邊釁科役繁重人不聊生旱蝗頻仍更不加
郵使吾赤子皆轉徙以無依而彼奸民因誘情以為暴靖言致寇敢
昧青躬近而淮楚兩郡之間遠則江湖數邑之地生齒遭其蹂躪室
廬致於毀焚揚若興懷為之肝食今禁旅揚威而並進鄉豪戮力以

只此并

爭先震疊無前蕩平有日言念脅從之衆豈皆好亂之氓與其假息
以偷生孰若轉禍而為福今則宏開禁網誕布寬書推予不殺之仁
昇爾更生之路倘復舊業即為良民尚惟郡縣字人之官共宣朝廷
惠下之澤亟蘇民瘼庸副朕心其楚衡郴吉州南安等處盜賊惟捕
渠魁外其餘脅從並行原貸許以自新又詔曰歲比旱蝗民食不登
捐瘠流亡良可哀痛朕蠲租發廩日夕惴惴惟恐賑卹弗及亦異在
位有以分朕之憂而監司守令鹵莽且文未副朕意其能按察而無
拘牽歟撫字而無刻剝歟不然何吾民不安業而忍為寇盜之歸也
繼自今以休國為心以舉職為能旌褒擢朕不汝靳其或緣奸作
邪營私自豐使上德雍於下下然叢於上厥有常憲斯言不渝毋忽
○丙午雨土○癸丑雷○二月辛酉黎州蠻復寇邊官軍失利先是
飛虎軍既敗朝廷方議擇黎州守臣會問大使司已遣官節制乃亟
命通判成都府何德彥知黎州節制軍馬用金字牌通行去時十初
安癸仲自舊寨歸留統領官傳順董昭軍正程伯雄在後寨捍虜至
是羌人自良溪寨下用皮船渡河攻相嶺寨昭引所部兵百餘人寨
後突出禦之賊登堡子城昭又逐之賊自旦至晚不得食走之河岸

嘉定二年

命王
居安
捕寇

命曹
彥約
捕寇

李元
礪犯
南雄

贈蔡
元定
官

衆已疲矣西漢地土丁知賊飢困欲馳下勦之恐分其功戒土丁毋得進會日暮焯移泊薑地寨夜羌人乘炬度船若將屯者而滅炬載兵以來詰朝再戰賊兵數倍焯不能支乃拔兵而去丙寅新知黎州何德彥至州視事癸仲還眉州未幾總管馮興以制置大使司之命部西兵三百至州賊不復出○丁卯前知崑山縣徐挺之縣丞范大雅犯贓刺面配英德府賓州仍籍其家○庚午詔楚州武鋒軍歲給累重錢如大軍例○壬午以工部侍郎王居安知隆興府督捕峒寇居安合之黃若人進士高第韓侂胄死之日自館職擢為諫官俄以事改起居郎又坐他累奪一官罷去江淮盜起復官知太平州除直龍圖閣兩浙西路提點刑獄公事甚有風采乃召為工部侍郎使之平賊居安至江西賊方四出廣南東路女撫使廖倬逼其入嶺之路賊遂出沒洪潭間頃之又移梅嶺摧鋒軍擊賊者熾焉○三月丁酉蠲成都府荒歉諸州民間逋負○己亥以湖南轉運判官曹彥約知潭州督捕峒寇彥約南康軍人知名士也開禧末除知澧州未上會虜入淮漢彥約攝守漢陽堅守不動用是遷兩官提舉荆湖北路常平公事又遷提點刑獄公事○庚子賜彭龜年謚曰忠肅○甲寅

官軍捕殺楚州賊首湖海○乙卯罷福建江東路招軍一年○丙辰以久雨釋兩浙州縣繫囚○夏四月癸亥李元礪犯南雄州游騎至韶州會江湖諸司言元礪請降獨知隆興府王居安未有所白乃少俟之既而居安言元礪降書侮慢有甘罰錢之語賊既不能入廣復犯江西○乙丑決行在繫囚釋杖以下○丙寅詔泰吉州民經賊蹂踐者監司守臣安集之○戊辰出內庫錢二十三萬緡賜行在軍民○五月乙未淮賊悉平詔寬恤淮南殘破州縣○辛丑廢忠銳軍○甲辰詔去歲旱蝗百官應詔封事兩省擇可行者以聞○乙巳命公海諸州督捕海寇○戊申經理兩淮民田○庚戌以江陵忠勇軍為御前忠勇軍○癸丑以久雨發豐儲倉米賑貧民○是月詔追贈朱熹中大夫寶謨閣直學士門人蔡元定亦特贈迪功郎元定制曰士之遇不遇天也其或擯斥於生前而獲伸於死後天理昭昭未有久而不定者爾問學在源操修無玷杜門著書初無與於世者不幸見誣宗遭遠謫今是非已定爾則死矣朕甚愍之其贈以官慰爾泉下死雖莫贖尚知享哉○六月丁巳朔日有食之○壬戌命有司舉行寬卹之政十有九條○癸亥遣起居郎黃中賀金主生辰○己卯楊

寧宗嘉定三年

次山為少保封永陽郡王。○詔二衙江上四川諸軍主帥覈實軍籍欺冒者以贓論。○是月池州副都統許俊江州都統劉元鼎與李元礪戰於江西皆不利。知潭州曹彥約親與賊戰亦為所敗。勢愈熾。○秋七月辛卯申嚴圍田增廣之禁。○癸卯定南班為三十員。○八月乙亥大風拔木。是月臨安府蝗。○九月丙戌朔詔三衙江上諸軍陞差將校必以材藝年勞其徇私者臺諫及制置總領覈之。○癸丑遣司農卿錢仲彪賀金主正旦。○冬十月丙辰朔福州觀察使根為安德軍承宣使。○乙丑詔四川總領所毋受宣制司節制。○壬申雷。○金主遣使來賀瑞慶節。○丁丑推南雄州戰歿將士恩。○辛巳發鄂州都統司威勝軍。○十一月癸巳賞楚州平賊功。○乙巳遣朝臣二人往兩淮路與提舉官議收浮鹽。○李元礪迫贛州南安軍詔以重賞募人擒捕之。○十二月丙辰詔江淮諸司嚴飭守令安集流民。○戊午參知政事婁機罷。○丙寅立部尚書兼知臨安府趙師霁免兼知臨安府軍器少監兼國子司業陳武免兼國子司業先是府民有因訟行賄者事連武學生柯子冲盧宣德理院案上當贖銅七斤師霁書判各決竹篔一十押出府城仍申國子監照會士論譁然諸生乃陳詞于學官學官備申監監以申尚書省及御史臺諫院右學之士亦詣都省投牒執政出語頗抑士士愈不平復羣票司業及學官於是監學以狀申都省未報武學生周源等遂空學赴監投牒繳納綾紙不肯歸齋其詞大畧以為趙師而不輕本監不申朝廷輒取天子之學生撻之公庭之下屏之國門之外蔑視學校不有君父况師弄本權臣之死黨奴事蘇庸賄結貪相奸用駟驢暴虐貪殘實小人之渠魁當時譏之者曰奸邪誰不附歸至師弄於中最不藏手拾殿錢使寵婢身當勸酒舞齋即叩頭雅拜尊師曰畫膝為書薦自強更有一般人不齒也魯學大吹山莊此皆小人之不胥為彼乃甘心為之更化之後黨韓之人誅斥殆盡而斯人獨漏網朝廷拔拭而用之者特以小人有材或能辦事今既經年徒聞貪酷前此肆無忌憚特為天子結怨於民今兩生之辱是為天子結怨於士諸生見幾而作多已告假所存無幾源等亦何面目復為天子學生所有勅給綾紙隨狀繳納於是監學繳申臺省且併乞罷黜大學之士亦詣監投牒其畧云乎歲權臣得志之初始斥逐忤己者五六人然猶未敢加以鞭撻猶有待於畫眉也今師弄乃為權臣之所不為是可忍也孰不

可忍也古學諸生已許之藁首且復相率而去矣竊謂文武雖分而道則同學校雖二而體則一伏乞備申朝廷敷奏施行無使異日天下誦之國史書之曰守臣捷逐天子學生自今日始陳武復為備申都省師罪乃上章待罪其自辨數甚悉而理終須執政知事論不可遏乃畫旨府尹放罷詔獄官放罪推勘二吏斷勒永不收叙尚書省劄下令學官安職上人歸學又劄臨安府今後兩學士人或因公事合行追會先當申國子監候報乃施行而太學之士復詣檢鼓院進狀學官連銜再乞罷黜方有是命師罪既為諸生所攻明年竟以奉祠而去不復再入矣

湖南賊羅世傳縛李元礪以降嗣寇悉平元礪欲圖出傳而先為世傳所縛其徒就執者二十有八人於是江西湖南安撫司皆言大戰于秋平野生擒元礪而湖南又言本司不敢爭奪已解赴江西矣奏未至會鎮江都統制畢再遇赴召朝論欲遣再遇討之於是元礪已就擒而朝廷未知也

○辛巳金人遣使來賀明年正日○黎州蠻青羌曳失索請降○是歲臨安府紹興府嚴衢州大水賑之仍蠲其賦○著作佐郎仲賈府轉對請追爵周敦頤程顥程頤張載列于從祀未克行

四先生繼絕學于千載之後正人心明天理自游夏諸賢有不能及其視馬鄭諸儒之功孰多雖以配享可也然論道統之傳則當升魯子子思于堂上而姑列四先生及朱先生于從祀

余老矣自念不及與朝廷之議會有幸者舉行之云

辛亥嘉定四年春正月己丑馬湖夷都蠻攻嘉定府隄為縣之利店寨陷之馬湖亦蠻者西蠻昆明之別種也其地在梁為南寧州承聖中刺史徐文盛召去有蠻殲者遂據其地子孫相傳其後分為東西焉西蠻之酋姓董氏國初董春借貢馬詔書嘉納之其後又以板來售蠻自載至叙州江口與人互市官司置場征之謂之抽收場馬湖之地東南接石門嘉州西南接沙漠嘉州虛恨嘉州及黎雅諸蠻與吐蕃之境而北接叙州之商州寨宣化縣西接嘉定之賴因沐川賴因名二寨西北接叙州之宜賓初賴因寨本夷地治平間把截將王文揆始據險立寨侵耕夷人山垣名賴因莊夷人訴之事聞有旨以其地歸董亦蠻既而寨民私賂之以償其侵地之稅於是蠻人每歲至賴因謂之索稅其後稅額增寨民亦厭苦之及是馬湖蠻將入寇而夷都土蠻先以書抵利店寨將言之寨將以為蠻人要索之常不即省歲除之前夕寨民有失牛者夜出求之見火滿四山始疑寇至乃以狀

馬湖
殺掠

李元
功狀

劉
海

四川
置安

金
入

白犍為縣未達而蠻已大入或曰蠻始欲寇中鎮寨中鎮有備不可入聞利店稍富實而寨丁少乃攻之知寨段松悉寨丁七十餘人迎敵或死或逃蠻遂圍其寨寨地勢低蠻人馮高投木石以擊之衆莫能拒又二月蠻人以雲梯登城松力戰十二合無與援者寨民驚潰自投山水而死者數百人松為蠻所執鬻割而殺之掠其二子盡劫寨民之資焚其居驅老弱婦女數百人而去○甲辰以四川鹽擔錢對減激賞綸一年○丙午詔湖南江西諸州經賊蹂踐者監司守臣攷縣令安集之實第其能否以聞○是月江南西路安撫司捷報至乃命王居安同許俊召募土人識認李元礪正身詔照條盡法施行時居安已械送元礪赴都既被命二月乙卯遂就磔元礪于吉州壬戌俊復言羅世傳生擒元礪已給元所降賞錢一萬緡乞授之官詔授世傳武翼郎閣門祇候○丙子雪○辛巳罷廣西諸州牛稅○閏二月甲辰發淮西武定軍○丁未大風○辛亥濠州推官鄭宰鍾離縣尉王御犯賊除名刺面配真州○詔諸路帥臣監司守令格守朝廷賑恤之令及盜發不即捕者重罪之○三月己未命臨安府賑給病民賜棺錢○丙子沔州將劉世雄等謀據仙人原為亂事覓伏

誅○辛巳馬湖蠻又犯籠鳩堡本路安撫司調移屯西兵二百人戊犍為縣○夏四月甲申禁兩浙福建州縣折鹽酒○己丑詔兩淮守臣毋預除代○以吳曦沒官田租為關外四州旱傷州縣代輸秋稅○詔內外諸軍虛數冒請之人聽自首違者重坐之○丙午賜黑風峒名曰效忠錫以銅印羅世傳乞補文資乃改授通直郎簽書節度判官廳公事命既下守臣王居安遣吏送之世傳疑不敢出○戊申出內庫錢瘞疫死者貧民○是月四川制置大使司置安邊司以經制蠻事命成都路提刑李阜潼川府安撫許奕共領之始議猶欲招安而蠻人玩狎終不肯出大使司議遣兵平之或謂曠日持久勞師費財不如招納之利持論不同由是久不決臺初聲言某日以兵出塞蠻頗憚之會東帥司揭榜叙州境上大畧言本司已與西路商量決無深入之理仰邊民安集毋得驚擾蠻人見之知西路揚聲給已益無所憚云○五月戊辰廢集縣忠勇軍○乙亥御集英殿賜禮部奏名進士趙建大等四百六十有五人及第出身○六月丁亥遣戶部員外郎余嶸賀金主生辰會金人為韃靼所攻道不通嶸不至而還○降京畿囚罪一等釋杖以下○辛丑更定四川諸軍軍額○

寧宗嘉祐四年

癸卯發江西敢死軍○秋七月壬戌太白書見○丙寅詔四川官吏嘗受偽命者自今毋得叙用○丁丑詔軍興以來爵賞冒濫者聽自陳除其罪○八月壬辰中嚴大史局補試局生之制○九月辛酉叙州蠻寇邊官軍嚴備以待之蠻乃去○丁丑遣刑部員外郎程卓賀金主正旦○詔附會開邊得罪之人自今毋得叙用○乙亥羅世傳為其黨胡有功所殺詔以世傳初命授之李元礪為盜凡三年聲搖吳蜀至是就擒人皆相慶焉○冬十月己卯朔命有司更定玉牒凡例○甲辰以鞬靴攻擾全國命江淮京湖四川制置司謹備邊○十一月己酉朔日有食之○癸丑賞平峒寇功○甲戌申嚴諸軍陞差之制○十二月辛巳奉議即張鏞坐弱搖國本除名象州羈管○癸未以會子折閱不行遣官体訪江浙諸州

愚讀史記商君列傳見其變法易令必立賞從木以示信於民喟然歎曰信之為用大矣商君刻薄固不足道然猶知信之不可廢况堂堂大國乎且自中興用楮以來幾年為界界滿則易法之常也自權臣用兵楮之造印日多而楮之折閱日甚上之人急於秤提之故當舊楮之界未滿而新楮之出已彌蒙商巨賈囊篋舊藏一旦廢棄為無用之物因失大信人啓疑心何怪其畏避而不敢收蓄哉所以新楮頒行之後市井不通反以弼甚小民

○乙巳金主遣使來賀明年正旦是歲金主為鞬靴所攻賀生辰使不至○金主璟之在位也允濟被命往靖州受黑鞬靴進奉見其王感沒真桀傲不遜恐為邊患欲歸白璟除之會璟卒不果在嘉定元年是歲鞬靴入貢允濟遣重兵分屯山後欲就進場襲殺之然後引兵深入會慶之亂軍有請鞬靴言其事者鞬靴疑不信言者再至鞬靴遣人伺之得其實遂遷延不進是秋鞬兵猝至與金人戰于灰河凡三日勝負未分感沒真選精騎三千馳突虜軍虜軍亂感沒真自以大軍乘之允濟急命西京留守統石烈執中領大兵迎敵于大勝甸執中者老將也知兵善戰自允濟之立心常不服至是不肯力戰其下觀望遠大敗執中以百騎奔還允濟怒罷之鞬兵至翠屏口虜又大敗乘勝攻奉聖州破之進軍野孤嶺允濟再遣兵迎敵以車為陣又大敗是冬鞬兵至晉山縣距燕京百八十里

嘉定五年春正月己巳詔諸路通行兩浙倍役法著為令○壬申賜李孝義諡曰忠壯○是月鞬靴兵至居庸關金左將軍完顏福

叙州
李隆

吳四

李隆
李龍

李隆
李龍

海業關道金主允濟素鄙吝士不用兵允濟議以細軍五千自衛奔
 南京柳開會細軍五百人自相激厲誓死迎敵殺韓兵數百韓兵懼
 不敢進問所俘鄉民此軍有幾何鄉民給曰二十萬韓輟懼遂歛兵
 而退○二月壬午罷兩淮軍興以來借補官○詔成都府路帥臣兼
 領叙州兵甲事○三月庚戌四川制置大使司遣兵分道討叙州蠻
 其酋米在請降初大使司知蠻不可致遣興元後軍統制劉雄等二
 人將西兵千人自嘉叙二州並進又遣本路提刑司檢法官安伯恕
 往叙州節制之官軍入蠻境方接戰有土丁斷小莫之首蠻人驚潰
 官軍小捷其酋米在據羊山江之水圍堅不肯降圍在峻難之中水
 淺舟不可行濤深人不可涉大使安丙聞之移書李皇曰但聲言伐
 木造大舟攻其水圍則米在自降矣皇從之米在果請降然不肯受
 盟遣吏遣土丁十餘人入蠻為質米在乃令其徒數十詣寨納降安
 遣司盡以十二年稅糶與之米在以墮馬為辭終不出是役也所掠
 遺民數百人得還者十三人而已○戊辰以父雨詔大理三衙臨安
 府兩浙州縣決繫囚○甲戌以廣東湖南京西盜平監司帥臣進取
 有差○丙子申巖選人捕盜改官法○夏四月壬寅詔自今告人從

偽者必指事實誣告者坐之○五月庚午詔諸路州縣坑冶以通判
 令承主之○癸酉安南國王李龍翰卒以其子吳昂為安南國王○
 詔州縣見役人毋納免役錢役滿復輸○六月癸未遣吏部郎中傅
 誠質金主生辰○乙酉禁江北諸州民行銅錢○秋七月庚申賞降
 叙州蠻功○戊辰以雷雨毀太廟屋避殿減膳○八月甲戌朔御後
 殿復膳命左右司置進狀籍察前斷之冤抑者罪之○九月丙午太
 白書見○己酉有司上續編中興禮書○庚戌遵義寨夷楊煥來獻
 馬○辛未罷汝海諸州海船錢○遣刑部郎官應武質金主正日○
 冬十月辛巳詔諸路總領官歲舉可為將帥者二三人安撫提刑舉
 可備將材者各一人○戊子金主遣使來賀瑞慶節○癸巳詔侍從
 臺諫兩省官集議遂正光宗配饗功臣○戊戌雷○遣使弟祭安南
 ○十一月庚申朝獻景靈宮辛酉朝饗太廟壬戌祀天地于園丘赦
 天下○十二月丁丑拜蠲濠州租稅一年○壬午詔諸路轉運司參
 攷州縣新舊稅籍蠲其橫增之數○己亥金主遣使來賀明年正日
 嘉慶六年春正月庚申簽書樞密院事宇文紹節薨○詔侍從
 臺諫兩省官帥守監司各舉實才二三人○二月丁丑太白書見○

率將

金王 允濟 馮統

金王 王珣

丙戌有司上嘉定編修吏部條法總類○丁亥雪○乙未詔宗室母與胥吏通姻著為令○三月癸亥參知政事樓鑰罷○夏四月丙子同知樞密院事章良能參知政事○甲午復法科試經義法仍命雜流進納人毋得試○五月丁卯以不雨命大理三衙臨安府決係囚○命四川諸司措置州縣支移錢物上于尚書省○戊辰修慶元六年以來寬恤詔令○六月乙亥詔刑部歲終上諸州未決之訟于尚書省擇其最久一罪之○丁丑遣起居郎黃居誼賀金主生辰金國亂居誼不至而還○丁亥復監司職否守令及監司郡守舉廉吏所知○丙辰詔三衙江上諸軍主帥各舉堪為將帥者二三人○八月己巳朔詔諸路監司帥臣舉所部官吏之才行卓絕績用彰著者○庚午知思州田宗範謀作亂夔州路安撫使遣兵討平之○是月金國弒其主允濟是秋韓兵復至山後都元帥完顏福興迎敵而敗允濟黜之復起統石烈執中為右副元帥將武藝軍二千往迎敵先是左副元帥南平者迎合允濟之意沮格軍賞眾共怨之執中因人心之憤欲廢允濟以誅南平為名軍至東華門外召南平計事手刃殺之宮中聞變門皆不開執中召細軍大將金憲語之曰吾此來待誅

宋監三十一

四

亂臣耳非有叛意也俄而細軍俱來救駕憲諭止之眾憚執中威名無敢動者獨關西大將軍都統完顏善羊引所部五百人至皆為武藝軍所殺執中以善羊驍勇召其父福海令招之善羊大呼告其父曰老賊欲反朝廷何謂降之復力戰至午羊殺數十人身中數矢而死執中遂進入東華門允濟遣其子蔣王持詔出投於門下募能殺執中者白身除大興尹出襲千戶軍民皆無應者執中欲縱火焚門守門將軍合住啓之執中引兵入宮侍衛皆散走進至大安殿允濟望見之遙呼曰聖主令臣何往曰歸舊府耳允濟入後宮邀其子俱出后曰出則被殺矣執中見其父不出遣兵就執之併其妻子囚於舊府遂召豐王珣之長子譚哲馬以御寶付之執中尋遣大侍李監丞弒允濟於其府豐王至燕京執中率百官迎于道遂立為帝降允濟為東海侯拜執中太師都元帥領省事封澤王○九月甲辰蠲荆湖諸州逋負二十八萬緡有奇○閏九月戊辰朔詔御史臺置考課監司簿○丙戌以金王新立命四川謹邊備○己丑詔湖北監司守令賑卹旱傷○癸巳雷○甲午右丞相史彌遠等上三祖下七世仙源類譜高宗皇帝寶訓皇帝玉牒會要○乙未大雷丙申詔曰朕欽

寧宗 嘉定六年

若天命矜愛元元夙夜靡寧惟恐有闕乃後九月氣已屬冬雷未收
 警將以警朕揚若祗懼祗省厥愆二三大臣其悉心叶力交修不逮
 庸副朕躬仰承天戒焉史彌遠請罷政不許○冬十月丁酉朔申嚴
 互送禁○戊申起居舍人真德秀為賀金主登位使閣門舍人周師
 銳副之金國亂德秀遂不至而還庚戌遣起居郎李亨賀金主正旦
 皇亦不至而還○辛亥金左監軍高乞殺其都元帥訖石烈執中初
 韃兵至紫荊關距燕京二百里執中欲誘其兵南至涿易乃聚兵擊
 之韃被涿易至早河之西欲渡橋執中方病足乘車督戰韃兵大敗
 朔日再戰執中疾甚不能出遣高乞以紅兵五千拒之失利不至執
 中欲斬之金主珣以其有功諭令免死執中益其兵令出曰勝則贖
 罪敗則誅無赦高乞出戰自夕至曉忽北風大作吹石揚砂不能卒
 目韃人乘風縱火馳擊之高乞軍大潰自度必為執中所殺遂引糾
 軍圍執中之府突入其卧內殺之退詣應天門待罪珣以高乞掌兵
 權不敢加罪盡取從執中弒逆之人殺之於是韃鞬主咸沒真留其
 大將撒沒昌圍燕京及引兵攻取河東北山東諸州○甲子金主遣
 使來告即位○十一月癸未虛恨蠻寇嘉定府峨眉縣中鎮寨寨在

江南北府二百五先是蠻人數為邊害乍叛乍服嘉泰間其都王崖
 烈始歿中鎮請五年犒物刻石作誓而歸提刑司但以四年犒物予
 之蠻人數來欲得本年犒物官執例不予蠻人怒掠邊民十四人而
 去土丁追之梟其七級制置司聞之乃於羊山江南築師院平等三
 硬寨以防其衝突蠻徑犯師院平三年又犯龍逢堡寨將馬樞知不
 可遁乃遣人與之打話陳謙提點本路刑獄亦欲招安之蠻人聽許
 乃遣峨眉令楊鴻往中鎮受其降四年蠻至寨未給犒間樞以其屢
 抄掠也恨之多所要索蠻怒而去樞伺其出寨俾土丁邀之於道殺
 蠻人北二等三十二人蠻人怨怒自是出者十餘年去年提點刑
 獄公事李皇屢招來之不至至是提點刑獄公事楊伯昌知嘉定府
 事任處厚方會飲坐中有土丁二人馳報蠻人六七款寨願受犒且
 納蠻刀為信寨已給降旗矣翼日再得報蠻近寨者已六十餘人午
 後又報有二百餘人夜扣硬寨門求戰已出土丁二千渡江禦之矣
 樞又言寨有土丁及家人凡五千皆驍勇可用不必濟師時知縣事
 宋大椿及尉皆訟檄以出在邑惟主簿一人於是蠻人近寨六七百
 人犯硬寨殺土丁一人掠土丁近二百人復歸巢穴提刑司不欲生

寧宗 嘉泰六年

復秦州不克

王才大才

金主南

事乃遣人就印部州安之○十二月壬寅蠲瓊州鹽錢○癸亥金主遣使來賀明年正旦○是歲兩浙諸州大水賑之○上取孝宗敬天兩圖實諸左右常用省覽

嘉定七年春正月丁卯朔四川制置大使司遣提舉皂郊博馬務何九齡等率諸將及金人戰于秦州城下敗還○甲戌鞞鞞遣三騎印濠州塞求納地請兵守臣應純之諭遣之○二月丁未青羌卜籠十二骨來降卜籠者青羌部侯也性殘忍多器械專仰鹵掠為生十二骨者乃十二種也○丁丑番○參知政事章良能薨○壬子知泗州都統王大才斬何九齡及諸將等七人梟首境上以其事聞于朝且檄報鳳翔都統使仍關牒川陝四路監帥司又遣人往廣安捕九齡之子世昌亦斬之初謀者言虜有內難議論紛然朝廷聞之以御札賜大使司及大才令益謹守備毋營邊釁九齡本廣安粥爵人據結忠義人謀取秦州虜先知之故敗會大使安丙奏大才圖為宣撫使設意傾陷今邊報不一或有緩急必致誤事詔大才特降一官大使司於是結蜀云○三月四川制置大使安丙同知樞密院事成都府路安撫使董居誼為四川制置使○庚辰金國來督二年歲幣

戊子金國來止賀正日使○壬辰詔利州路安撫節制本路軍馬如兩淮安撫之制○夏四月癸卯蠲福建公海諸州貧民納鹽○辛酉詔三衙江上四川諸軍具士馬實數以聞○五月丁丑太白經天○庚辰詔修玉謀官二年一具草以進○乙酉御集英殿賜禮部奏名進士袁甫等五百四人及第出身○壬辰命有司考賦祿之制哀類成書以為法式○六月辛丑以早命諸路州軍禱雨○甲辰詔諸路監司守臣速決滯獄○壬子釋大理三衙及兩浙路杖以下囚○丁巳置嘉定府遣丁二千人以備蠻命制置安撫諸司給其費○秋七月甲子朔左諫議大夫鄭昭先簽書樞密院事兼權參知政事○戊辰詔省吏毋授參議官○乙亥金主來告遷于南京金虜自為鞞人所攻中原諸路之兵皆僉往山後一帶防遏無兵可守悉僉鄉民為兵上城守禦鞞人盡驅其家屬來攻父子兄弟往往遙相呼認由是人無固志所至郡邑皆一鼓而下自父祖春凡破九十餘郡所過無不殘滅兩河山東數千里之地城郭盡為丘墟惟大名真定青鄆邳海沃順通州有兵堅守未能破鞞人復還燕京燕京糧乏軍民餓死者十四五金主珣遣人議和忒沒真欲得其公主所需甚眾又請左

寧宗 嘉定七年

其德
秀請
幣

契人
初議
夾

韃人
攻金
子

丞相完顏福興為賢珣皆從之韃人來選女時公主見在者七人惟
 允濟少女小姐姐甚秀慧遂以予之又令珣鄉其國遙拜珣不敢拒
 又以撒沒曷圖燕之久未嘗國掠欲得犒軍金帛珣亦從之韃人遂
 歸居庸關在燕京之北百一十里路隘險守兵數萬欲候韃兵歸而
 擊之而完顏福興在軍中傳虜主命已欲韃鞫議和不許擅出兵韃
 人過關取所虜山東兩河少壯男女數十萬皆殺之遂引歸於是河
 南路統軍蒲撒七斤奏乞徙都開封府珣從之其姪霍王從彛諫曰
 祖宗山陵宗廟社稷百司庶府皆在燕京豈宜棄之而去珣曰燕京
 乏糧不能應辦朝廷百官諸軍今暫往南京俟一二年間糧儲豐足
 復歸未晚也從彛乞自督運珣不從從彛憂憤成疾而死珣自涿保
 州中山府而南至真定留幾月復自大名路由新衛州渡河以至開
 封肆赦境內○庚寅起居舍人真德秀上疏請毋予金國歲幣從之
 歲幣祖宗之不得已也當今虜強盛之時岳中國之尊而
 納賂於蠻夷已為不可況其敗亡之餘吾不声罪致討而猶遣一
 介行人致貢於穹廡之前亦獨何哉此忠臣烈士所以力爭之也
 ○是月夏國以書來四川議夾攻金人不報初金人既併遼地乾順
 事之甚謹金人踵遼人故事冊為夏國王歲時入貢逮今百年嘉定

初夏人始為韃鞫所攻遣使求援金主允濟新立不能救韃人至興
 靈而返夏人恨之金人亦為韃所擾勢益衰夏國遂叛其左樞密使
 吐蕃路都招討使萬慶義勇令蕃僧滅波把波賈蠟書二丸至西和
 州之宕昌寨欲與本朝合從犄角恢復故疆蕃兵總管侍翊得而上
 之制置使董居誼初入蜀不之報由是訊中絕○八月乙未罷四川
 宣制司所補官○癸卯復建宗學置博士諭各一人弟子負百人○
 金國復來督歲幣○乙巳太白經天○禁州縣沮壞義役○戊申同
 知樞密院事安丙至近畿詔以為觀文殿學士知潭州○是月韃人
 復攻中原金主珣既遷都汴京韃人聞之怒曰既和而遷是有疑心
 而不釋憾特以講和為欺我之計耳乃分兵下中原州郡又遣使至
 開封索犒軍金銀等珣皆予之○九月壬戌朔日有食之太白晝見
 癸卯雷○乙亥石丞相史彌遠等上高宗皇帝中興經武要畧○戊
 寅調殿前司兵增戍天長縣○丙戌以父兩釋大理三衛臨安府杖
 以下囚庚寅釋兩浙路杖以下囚除茶鹽賞錢○冬十月壬辰朔出
 內帑錢賑臨安府貧○戊戌廢卬州嘉定監○丁巳命四川監司及
 大郡知州辭見如舊制○是月嘉定府峨眉縣寨將馬嶺羈管大寧

嘉定七年

治馬
不罪

監坐私用邊租激虛恨蠻人之變也先是印部川蠻人速曰至羅忽寨言虛恨蠻人有歸順意提刑司遣官往中鎮寨隨宜應接於是虛恨都王遣其徒庫崖來議庫崖以馬檀嘗殺北二也疑之欲得其子弟為質檀難之已而沉黎大渡河監渡官劉如真遣其子與親屬凡三人入亦蠻為質庫崖乃肯來既渡河抵北岸欲索十二年歲犒凡為絹二千四百匹鹽茶四千七百斤銀百兩銕金二百兩酒之屬不與焉又欲得都王每三年轉官告命金帶紫袍銅印之屬及北二等三十二人骨價初檀之上世有田在寨之南北岸歲收租四千餘石後有旨以其田贍兵世選馬氏一人為寨將佃戶為土丁防守邊面所謂歲犒者例以邊租七百石市之自此二死亦蠻人不出租稅悉為檀所私至是度無以償乃好詞給蠻人歸諭都王因其出寨遣土丁二百襲之至牛渡遇諸蠻即縱兵掩殺庫崖與其徒三十六人皆死蠻人太怒取質子三人剝裂之議者因欲以殺蠻為功提點刑獄公事楊伯昌不可乃以檀屬吏檀令其家丁百數詣提刑司訟寬僚吏多請釋之伯昌不從卒正其罪獄竟計贓當死上于朝有旨制置司酌情行遣尋奏奪檀官羈管於是籍土丁之壯健者二千人月粟之俾

宋監三十一

十八

守諸寨蠻人聞檀以罪去怨怒稍解既又知邊頭有備憚之自是不復輕出抄掠矣○十一月辛酉朔遣著作郎聶子述賀金主正曰刑部侍郎劉鑄等及太學諸生上章言其不可不報○丙戌命浙東監司覈災傷州縣蠲放之數發常平米賑之○罷四川制置大使司所開鹽井○十二月甲午復罷同安監鑄錢○丁巳金主遣使來賀明年正日○是冬燕京之亂軍叛與鞑人共圍燕京○是歲黎州蠻番下始降先是青羌小龍既降知軍州事袁柎知番下勢孤乃令安靜寨總轄杜軫諭之出漢番疑漢人殺之有印部川都王之弟部勒者與軫謀遣漢人入番為質番下乃來從者凡三百餘人柎與通判州事周璉聚聽受其降番下膝行而前抱柎之足柎以錢帛厚犒之番下留州城十日將渡河乃送還漢人十一而去柎言于朝得報下四川制置司利州東路安撫司各常切措置鎮撫務令邊界安靜毋或引惹生事自番下犯邊至此更七年而後定云

黎
下番
降

嘉定八年春正月辛未師禹附儀同三司嗣秀王○故淮南轉運判官施宿犯贓追奪官爵仍籍其家○詔侍從兩省臺諫各舉將材三人○戊子申嚴銷金鋪翠之禁○二月丙午知樞密院事雷

寧宗 嘉定七年

解人
破燕
京

賑貧
民

救
統

賜張
張

孝友罷○壬子蠲平江府五郡逋負米萬三千石有奇釋其囚繫○
 乙未雨土○三月辛酉詔大郡歲奉廉吏二人小郡一人○巳亥以
 旱命諸州縣禱雨丙子蠲臨安府茶鹽賞錢釋兩浙諸州罪囚○辛
 巳應賢良方正能直言極諫科何致坐妄造事端焚惑衆聽配廣州
 牢城○癸未安定郡王伯祝薨○丙戌釋江淮闕雨州縣杖以下囚
 ○夏四月乙未幸太乙宮明慶寺禱雨辛丑避殿減膳壬寅禱雨于
 天地宗廟社稷癸卯詔中外臣民直言時政得失甲辰右丞相史弼
 遠等請罷政不許乙巳德音降行在及諸路雜犯死罪以下囚釋杖
 以下○五月辛酉雨○鞞人破燕京先是東平之援兵五萬至安次
 遇鞞兵不戰而潰大名之兵八萬至固安亦潰惟真定之兵四萬合
 保涿接兵一萬至旋風寨與鞞人戰凡二日糧絕而敗自是內外不
 通至是燕京破都元帥完顏福興自剄死山東羣盜大起燕京宮室
 雄麗為古今之冠鞞人見之驚畏不敢仰視既而為亂兵所焚火月
 餘不滅其所積貨財初無所用至以銀為馬槽金為酒壚撤沒曷所
 居至用金飾龍牀足踏金杌子憤奢如此而徵督不已燕人患之○
 辛酉御殿復膳○巳卯命利州路安撫司招刺忠義人○癸未復命

有司禱雨○甲申詔賊吏毋得減年參選請為令○乙酉出米六萬
 石賑羅臨安府貧民○六月丙辰詔兩浙江淮路諭民雜種粟麥麻
 豆有司毋收其賦田主毋責其租○秋七月庚申置三省樞密院主
 管架閣文字○辛酉簽書樞密院事鄭昭先參知政事禮部尚書皆
 從龍簽書樞密院事○壬戌詔四川立楊巨源廟名曰褒忠○戊辰
 命兩淮諸州毋納今年秋稅其極邊五州併明年夏稅悉蠲之癸酉
 蠲臨安紹興府貧民夏稅○丙子出米三十萬石賑羅江東飢民○
 庚辰詔皇弟損更名思正皇妹均更名貴和○甲申詔職田蠲放如
 民田違者坐之○八月巳丑賜張拭謚曰宣○庚子申嚴宗子訓名
 法○丁未權罷旱傷州縣比較賞罰○巳酉禁州縣渴糴○是月蘭
 州盜程彥暉攻內附四川制置使董居誼却之○九月丙寅雷○巳
 巳朝獻景靈宮庚午朝饗太廟辛未合祭天地于明堂赦天下○乙
 未命六部各類赦書寬郵事下諸路監司推行○冬十月壬寅金主
 遣使來賀瑞慶節○是冬金虜花帽軍擊鞞于杏花營敗之花帽
 軍者本戶部令史鄭忠率山後軍民以擊逐鞞人虜人後名其軍為
 花帽軍云初鞞人既破燕京自河東渡河攻潼關不能下乃由嵩山

嘉慶八年

金虜
乞和
於難
鞞

賜呂
祖謙
經

小路趨汝州遇山澗輒以鉄槍相鎖連接為橋以渡於是潼關失守
 金王急召花帽軍於山東至是韃兵至杏花營距汴京絕二十里花
 帽軍擊敗之韃兵復取潼關自三門析津乘河水合布灰引兵而渡
 自是不復出金王乃命平章事胥鼎為大帥專守關輔然陝西諸州
 間亦有為所破者惟燕南雄霸數州乃三關舊地塘濼深阻韃兵不
 能入虜將張甫張進二人據信安軍以守之又遼東宣撫使蕭萬
 奴者本遼人乘女真之亂自立為帝據遼東七路欲併燕代魏晉而
 有之韃人不能破也金人自阿骨打稱帝至是九十有八年而失國
 兩河既為韃人所擾山東叛之自南遷後累遣使詣韃人求和雖未
 聽從而賂遺不輟忒沒真憐其意欲許之而撒沒曷耻於無功堅持
 不可忒沒真謂曰譬如圍場中獐鹿吾已取之矣獨餘一兔汝累年
 不能收蓋遂捨之撒沒曷不從遣人諭金主曰汝欲議和可去帝號
 稱臣當封汝為王而金虜之羣臣亦不從有言於珣願以死雪國耻
 者珣亦為之感憤云○十一月丙辰朔伯澤為安定郡王○癸亥太
 府寺丞施累為賀金主正旦使閤門舍人陳萬春副之○十二月己
 丑詔揚臣原李孝義子孫各進一官○辛未金主遣使來賀明年正

宋史三十一

旦○是歲兩浙江東西路旱蝗

丙子嘉定九年春正月乙丑賜呂祖謙謚曰成○置馬軍司水軍○

乙亥遣司農寺丞留筠賀金主生辰○丙子命諸州招填軍籍○辛

巳罷諸路旱蝗州縣和糴及四川關外科糴○二月甲申朔日有食

之○丙申雪○辛亥東西兩川地大震○三月乙卯又震甲子又震

馬湖夷界山崩八十里江水不通丁卯又震壬申又震○丁丑詔侍

從臺諫兩省舉可為監司者各二人○夏四月戊戌秦州人唐進與

其徒何進等引衆十萬來歸四川制置使董居誼拒却之○五月癸

丑朔太白晝見○六月辛卯西川地震壬辰又震乙未又震黎州山

崩○戊申賑卹浙西被水州縣寬其租稅○秋七月戊辰詔邊縣擇

才不拘當法其餘並遵三年之制○九月甲申詔江東監司覈州縣

被水最甚者蠲其租○冬十月癸亥西川地震甲子又震○丙寅金

主遣使來賀瑞慶節○十一月庚寅遣軍器監丞陳伯震賀金主生

旦○癸卯以程彥暉攻圍鞏州迫近川界命利州副都統劉昌祖移

駐西和州以備之○十二月癸丑以宗學隸宗正寺○丁巳再給諸

軍雲寒錢○乙丑遷天水軍于舊縣置知軍以下官○乙亥金主遣

寧宗 嘉定九年

使來賀明年正月

嘉定十年春正月辛巳雷癸巳雨土○乙未大風○庚子宗正

寺主簿錢撫為質金主生辰使水軍統制馮柄副之○甲辰以盱眙

淮安軍天長縣戍兵隸殺前司○二月庚申地震○壬戌雪○夏四

月丁未朔金人引兵入寇犯光州中渡鎮執權場官盛允升殺之分

兵犯樊城戊申鄂州江陵府副都統王守中引兵拒之金人遂分兵

圍棗陽光化軍丙辰詔江淮制置使李珣京湖制置使趙方措置調

遣仍聽便宜行事辛酉廬州鈐轄王平敗金人于光山縣之安昌寨

殺其統軍元頴掩壬戌金人道去隨州光化軍皆以捷聞○時金虜

既為韃靼所擾山東畔之虜東阻河西阻潼關地勢益蹙遂有南窺

淮漢之謀兵端復啓矣○丁卯詔出戍官兵毋分口券全給其家○

辛巳以父雨釋大理三衛臨安府杖以下囚蠲茶鹽賞錢○五月甲

申御集英殿賜禮部奏名進士吳潛等五百二十有三人及弟出身

○癸卯趙方上疏請下詔北伐遂傳檄招諭中原官吏軍民○六月

庚戌大白晝見○戊午詔曰朕厲精更化一意息民犬羊跨我中原

天厭乂矣狐兔失其故穴人逐競之豈不知機會可乘離耻未復念

甫申於信誓實重啓於兵端故寧弗廷紳進取之謀不忍絕使傳往

來之好每示固存之誼初無幸釁之心豈謂亡胡遽忘大德皇華之

轡朝返赤白之囊夕聞叛卒鴟張率作如林之旅飢吐烏合驅為取

麥之師貪婪無厭僥倖嘗試宜人神之共憤亦覆載所不容守將效

忠開門而決戰兵民賈勇陷陣以爭先羣酋既殲殘黨自靖允賴湯

攘之力迄成綏靜之功然除戎當戒於不虞縱敵必貽於後患咨爾

有衆永有厥心毋忽其既退而懷苟安毋狃於屢勝而忘遠畧厲炎

蒸之在候念戍役之方勞雖摧枯拉朽之非難而執銳被堅之小場

視其暴露如已焚煨一朝背好誰實為之六月飭戎予非得已諒深

明逆順曲直之理其孰無激昂奮發之思師出無名彼既自貽於顛

沛兵應者勝爾宜共赴於事功若能立非常之勳則爾有不次之賞

尚其聽命朕不食言○以黃榜募京西忠義人進討○辛未東川大

水○癸酉太白經天○秋七月丙子朔日有食之○戊寅以不雨釋

諸路杖以下囚○甲申雅州蠻寇邊焚碣門寨遣官軍討之○丁亥

嗣濮王不儔薨○庚子詔諸軍將佐有罪送屯駐州鞠之罷軍士淫

刑○八月乙丑詔監司郡守各率威勇才畧可任將帥者二人○冬

金人

下部

雅州

寧宗 嘉定十年

十月乙巳朔以久雨釋大理三衙臨安府及兩浙諸州杖以下囚癸酉蠲三衙江上諸軍公私逋負錢○十一月丁丑大風○庚辰太白晝見○壬午廢導義軍○甲申詔浙東提舉司出米十萬石賑給貧民○戊戌太白經天○十二月戊申以軍興募民納粟補官○乙卯

詔由武舉進者毋復應文舉○癸亥金鳳翔副統軍元顏贊以步騎萬人寇四川戊辰迫湫池堡己巳陷天水軍守臣黃炎孫遁去金人攻白環堡破之庚午迫黃牛堡統制劉雄棄大散關遁金人據之○

嘉定十一年春正月壬午京東路忠義李全率眾來歸詔以全為京東路總管○戊子金人圍皂郊堡壬辰利州路麻仲率忠義人焚秦州永安寨○乙未以度僧牒千給四川軍費○丁酉詔四川忠義人立功其賞視官軍○金人犯隴茅關興元都統李貴遁去官軍

大潰○三月甲辰金人焚大散關而去○乙巳沔州都統王大才馬蹶死于河池○丙午皂郊陷死者五萬人丁未金人陷秋池堡戊申金人圍隨州棗陽軍游騎至漢上均州守臣應謙之棄城走○辛亥

四川制置司招忠義人復皂郊○丙辰白虹貫日○楚州鈐轄照昭相焚金人粮舟于大清河京東忠義副都統沈鐸遣兵助之○三月

丁丑金人焚秋池堡而去戊子利州統制王逸等率官軍忠義復皂郊金副統軍元顏贊包長壽遁去沔州軍士郭維追斬贊首而還長壽僅以身免己丑沔州都統劉昌祖至皂郊辛卯忠義人十餘萬出秦州官軍繼進至赤谷口王逸傳昌祖之命退師且放散忠義人軍

大潰癸巳包長壽合長安鳳翔之眾復攻皂郊遂移西和州是日鎮江忠義統制彭惟誠等敗于泗州丙申劉昌祖焚西和州而遁守臣揚克家棄城去戊戌金人陷西和州○夏四月甲辰劉昌祖焚成州而遁守臣羅仲甲棄城去是日金人去西和州○戊申命四川增印

錢引五百萬以給軍費○階州守臣侯願棄城去○是日金人去成州戊午金人復犯大散關守將王立遁去己未金人犯黃牛堡興元都統吳政拒退之癸亥政至大散關執王立斬之軍聲大振○五月

乙亥命四川制置司招集忠義人○癸亥蚩尤旗見其長竟天○丁亥詔侍從臺諫兩省官集議平戎禦戎和戎三策

當時廟堂之議草茅書生固莫之聞也且以事勢言之國家自開禧輕卒之後士卒散亡將帥竄逐楮券折閱而不行幣職

匱乏而莫繼自保不暇何暇謀人則平戎之策姑遲之可也金虜吾之世仇其不可與通也昭昭矣當其強盛之時講信脩睦以莫

安南北之生靈猶有說也今也豺狼群嗥狐兔失穴事勢非前日
比矣奔走俯伏於穹廬之前新起之強胡中原之豪傑寧不易我
而稍我乎則和戎之策斷不可行也無已則禦戎一策乃當今之
急務乎蓋在嘉定間胡運衰微猶且張大聲勢噴聚餽以蹂踐
吾之三邊而吾以堂堂大國顧乃搏手無策曾不殘辱之當防
蒐兵選將足食豐財川蜀關隘之當守者守之上流切實之當防
者防之朝廷上下朝夕刻厲勉為自治之計則曩時三國鼎峙不
敢唯秦無人矣然則合三策而論
合禦戎之外將倭取哉

○壬辰嚴試法官七等之制○六月辛酉詔湖州賑卹被水貧民○
秋七月癸酉知天水水軍黃炎孫追三官辰州居住○乙酉修孝宗皇
帝寶訓○辛卯蠲四川關外諸州統役甲午蠲光州民兵戰死之家
統役○九月己卯朝獻景靈宮庚辰朝饗太廟辛巳合祭天地于明
堂赦天下○辛卯安定郡王伯澤薨○冬十月戊申興元都統吳政
利州都統張威各進三官劉昌祖奪五官韶州安置丙午羅仲甲奪
三官常德府君住揚克家奪三官道州居住侯顯奪三官撫州居住
○戊午大風○壬戌修盱眙軍城○壬申金人寇安豐軍之黃口灘
○是月陝西人張羽來歸○十二月己亥朔新知揚州應純之罷○
是歲諸路戶一千二百六十六萬九千六百八十四口二千八百三

十七萬七千四百四十一

宋益三十一

十一

嘉定十二年春正月戊寅朔召四川制置使董居誼赴行在新
利州路安撫使聶子述為四川制置使○庚辰金人犯湫池堡守將
石宣拒退之甲申金人攻白環堡守將董焯拒退之戊子金人犯成
州馮州都統張威自西和州退守仙人原庚寅金人犯隨州棗陽軍
又破信陽軍之二寨京西諸將引兵拒之辛卯金人犯西和州守臣
趙彥叻設伏以待之金人殲而還金人犯安豐軍建康都統許俊遣
將拒之金人焚成州犯河池守將張斌遁去癸巳金人圍安豐軍分
兵圍光州攻光化軍破鄭山縣進逼均州甲午金人陷鳳州守臣雷
雲棄城去虜人夷其城乙未吳政戰死于黃牛堡虜乘勝攻武休關
○二月戊戌朔虜破光山縣○太白晝見○壬寅虜圍棗陽軍京湖
制置使趙方遣統制區再興救之不能進而還癸卯破武休關興元
都統李貴遁還利路提刑權興元府事趙希善棄城去丁未陷興元
府○戊申攻棗陽軍甲子虜始去○己酉遣殿前司軍八千人防捍
江西○庚戌曾從龍兼江淮宣撫使除同知樞密院事任希夷等書
樞密院事○辛亥虜陷大安軍守臣李文子棄城去分兵犯洋州守

嘉定十二年

臣蔡晉卿遣兵拒之不克遂陷○壬子董居誼自利州遁去○沔州都統張威遣統制石宣激擊金虜于大安軍大破之金將巴士魯安棄軍走為我師所獲虜聞之遂遁去丁巳京湖制置使趙方遣統制唐再興等引兵二萬餘人分二道出攻唐鄧州隨州忠義軍劉世興等引兵攻唐州○甲子罷董居誼召命○乙丑夏人來議夾攻利路安撫丁情許之○三月己巳鄭昭先知樞密院事曾從龍參知政事○癸酉虜焚洋州城而去○乙亥興元軍士權興等作亂犯巴州守臣秦季樞棄城去○鄂州都統劉世傑會兵攻唐州○丁亥太白晝見○權興等降○甲午虜自盱眙退師○閏二月己未以雷雲棄鳳州奪三官送梅州安置○辛酉旌吳政死節贈右武大夫忠州刺史○壬戌招諭四川官軍忠義人○癸亥興元軍士張福莫簡等作亂以紅巾為號○是春虜圍安豐軍及滁濠光州江淮制置使李珣命池州都統制武師道忠義軍都統制陳孝忠救之皆不能進虜分兵犯邊自光州犯黃州之麻城自濠州犯和州之玉疇自盱眙至滁州之全椒來安揚州之天長真州之六合淮南流民渡江避狄諸城皆閉虜游騎數百至東來石揚林渡建康大震京東總管李全自楚州忠義總轄李先自漣水軍各引兵來援虜乃解去全追擊敗之于曹家莊獲其貴將或以為金主子婿云○夏四月庚午張福入利州四川制置使聶子述遁去總領財賦楊九鼎為所殺丁丑掠閬州丁亥掠果州○癸巳參知政事曾從龍罷同知樞密院事鄭昭先兼參知政事○崇信軍節度使開府儀同三司萬壽觀使安丙為四川安撫使董居誼落賊奪三官○五月乙未朔四川制置使聶子述赴行在○興元賊張福迫遂寧府潼川府路轉運判官權府事程遇孫棄城去○丁酉德音降兩淮荆襄湖北利州路沿邊諸州雜犯死罪釋流以下仍蠲今年租稅○己亥太學生何處恬等伏闕上書以工部尚書胡榘欲和金人請誅之以謝天下

書 愚聞紹興中秦檜自虜來歸倡為南自南北自北之說一旦建議和我胡銓慨然上書請竿檜首於藁街今榘銓之後故方殘虜偷盟引兵入寇榘願欲與虜講和以偷旦一夕之安是上則忘國耻下則忘家學也學校公議之地安能逃其譏議乎

○張福入遂寧府焚其城甲寅四川官撫司命沔州都統張威引兵捕張福入普州守臣張已之棄城去○癸亥詔侍從兩省臺諫各舉文武可用之才二三人○六月戊辰張福屯于普州之茗山庚午張

威引兵六○丙子太白晝見○辛巳西川地震○太白晝見○陞棗陽縣為軍○癸未張福請降乙酉威執之歸于宣撫司○丁亥嗣濮王不嫖薨○金人招諭李全等全等不聽○辛卯太白經天○癸亥利州路安撫使丁燾復以書約夏國攻金人○秋七月丙申張福伏誅○董居誼復奪二官永州居住○庚子張威生擒賊衆一千三百餘人誅之以莫簡自殺言于宣撫司紅巾賊悉平○癸亥李全引兵至齊州偽知州王贊以城降○八月戊辰復合利州東西路為一○九月丙午罷江淮制置司置公江淮東西制置司寶文閣待制李大東為公江制置大使淮南轉運判官趙善湘為主管淮西制置司公事兼節制京東河北路軍馬○十一月辛亥揚次山進封會稽郡王癸丑揚次山薨○十二月壬申京東路節制司言尅復京東河北二府九州四十縣○乙亥築興元府城○丁丑雅州蠻入廬山縣辛巳焚稠門寨邊丁大敗○己卯四川宣撫司遣兵取泚州召諸將議出師招諭中原豪傑官民勸以歸附○乙酉金人犯鳳川之長橋○丁亥四川宣撫司命罷泚州之師○己丑京湖制置司遣統制官再興等引兵六萬人分三道出境○庚寅賞茗山捕賊功

庚辰

嘉定十三年春正月丁酉統制官再興引兵攻鄧州鄂州都統許國攻唐州不克而還金人追之遂寇樊城趙方督諸將拒退之○己亥雅州蠻復掠廬山縣遣兵捕之○己酉不凌為嗣濮王○戊午夏國復以書來四川議夾攻金人○三月辛卯朔兩土○丁巳黎州土丁叛遣兵討之○夏四月庚申朔准東制置賈涉招諭山東兩河豪傑勸以來歸○五月庚寅朔雅州蠻降○戊寅右丞相史彌遠等上三祖下第七世宗潘慶係錄皇帝玉牒刊正憲聖慈烈皇后聖德事迹光宗皇帝玉牒○六月癸酉御集英殿賜禮部奏名進士劉渭等四百七十有五人及第出身○四川宣撫使安丙為少保○丙子李全為左武衛大將軍○壬午季先為果州團練使連水軍忠義副都統命赴樞密院議事未至殺之○秋七月戊戌以京東河北諸州守臣告付京東河北節制司○丙午簽書樞密院事任希夷兼參知政事○丙辰四川宣撫司招黎州土丁降之○癸亥皇太子詢薨○八月壬申四川宣撫使安丙遣夏人書定議夾攻金人○己卯賜皇太子謚曰景獻○癸未四川宣撫司命利州都統王仕信引所部

赴熙鞏州會夏人遂傳檄招諭陝西五路官吏軍民勸以歸附○甲申復海州以將作監丞孫晞稷知州事○盱眙將石珪叛入漣水軍詔即以珪為漣水忠義軍統轄○九月辛卯夏人引兵圍鞏州且來趣師○太白晝見○王仕信引兵發宕昌乙未四川宣撫司統制賈俊李冕引兵發下城戊戌四川宣撫司命諸將分道進兵沔州都統張威出天水利州副都統程信出長道興元副都統陳立出大散關興元統制田冒為官撫司帳前都統出子午谷金州副都統陳昱出上津己亥張威下令所部諸將毋得擅進兵庚子賈俊等克來遠鎮辛丑王仕信克鹽川鎮壬寅賈俊等自來遠鎮定攻定遠城金人來救進等擊破之乙巳程信王仕信引兵與夏人會于鞏州城下丁巳攻城不克庚戌金人犯皂郊堡沔州都統董焯等與戰官軍大敗壬子程信及夏人攻鞏州不能下信引兵趨秦州丙辰夏人自安遠寨退師冬十月丁巳朔程信邀夏人共攻秦州夏人不從信遂自伏羌城引軍還諸將皆罷兵戊寅程信以四川宣撫使之命斬王仕信于西和州四川宣撫司以張威不進兵罷其軍職○十一月甲午詔刊正紹熙五年以後日曆○庚戌大風○壬子臨安火○十二月戊午

大風○壬申漣水忠義軍統轄石珪叛奔鞏州○癸未鎮江副都統程朝宗以皇帝恭膺天命之寶來獻

嘉定十四年春正月丙戌朔雪釋杖以下囚○乙未雷地震○以李全自山東還出緡錢六萬為犒賞費○庚子立四川運米賞格○二月庚申分光州所納民於淮西諸州○戊辰金人圍光州己巳犯五關壬申治舟於團風弗克濟遂圍黃州分兵破諸縣又遣別將犯漢陽軍丁丑李全棄泗州遁還甲申詔淮東京湖諸路應援淮西公江制置司防守江面權殿前司職事馮榭將兵駐鄂州京東忠義都統李全將兵救蕪黃榭不果行○三月丙戌朔鄂州副都統卞再興引兵攻唐州○丁亥金人陷黃州淮西提刑知州事何大節棄城遁而死○庚寅長星見○李全引兵自楚州救淮西癸巳卞再興引所部趨蕪州○甲午太白晝見○乙未詔京湖制置司趨蕪黃己亥金人陷蕪州知州事李誠之及其家人官屬皆死之癸丑金人退師卞再興邀擊敗之于父長鎮甲寅晦又敗之○夏四月乙卯朔復置諸王宮大小學教授○乙丑命任子簾試於御史臺○戊辰金人渡淮而北李全遣兵追擊敗之卞再興亦以捷聞○五月甲申朔日有

軍宗嘉慶十四年

黃和子

補六世孫

案丙 鹿 王聖

食之○壬辰右丞相史弥遠等上孝宗皇帝室訓皇帝會要○丙申西川地震○乙巳右丞相史弥遠等上慶元寬恤詔令詔頒之○六月甲寅朔初置松江制置副使於鄂州○丙寅詔曰朕以眇躬嗣臨大統夙夜祗懼不敢荒寧荷天之休海內用乂而國嗣未建非所以嚴社稷奉宗廟朕深念焉皇姪福州觀察使貴和沂靖惠王之子猶朕之子也重厚英敏天稟夙成屬近且賢聞于中外敵自朕志爰率恩徽以昭立愛之義夫計安天下強本為先親親賢賢厥有古始非朕所得私也其以為皇子改賜名竑是日以竑為武寧軍節度使進封祁國公丁卯以立皇子告于天地宗廟社稷○乙亥太祖十世孫與宮補秉義郎○丙子降京畿囚罪一等釋杖以下○辛巳大風○秋七月丁亥京東河北節制司言蒙國大將獻本朝皇帝恭膺天命之室詔禮官討論受室禮儀以聞○辛丑趙方為京湖制置大使賈涉為淮東制置使兼京東河北路節制使○丁未修元宗皇帝室訓○八月癸丑朔京湖制置大使趙方卒○乙卯賜右丞相史弥遠家席參知政事任希夷罷知福州○壬戌兵部尚書宣縉同知樞密院事給事中俞應符簽書樞密院事○甲子以秉義郎與宮為右監門

宋世三十一 廿七

衛大將軍賜名貴誠○乙丑追封故相史浩為越王丙辰改謚忠定配饗孝宗廣庭○戊寅以皇姪右監門衛大將軍貴誠為果州團練使○九月癸未立貴誠為沂靖惠王後○己丑朝獻景靈宮庚寅朝饗太廟辛卯合際天地于明堂赦天下○冬十月癸丑京東河北節制司言復滄州詔以趙澤為河北東路鈐轄知州事○甲寅復以齊州為濟南府兗州為襲慶府○庚申興元府城成○丙寅夏人復以書來四川趣會兵○庚午雷○十一月癸巳詔左翼軍受泉州節制○己亥少保四川宣撫使安丙薨○己酉詔曰朕以付托之重顧瞻中土坦然于懷惟知修德勝殘夙夜黽勉迺者山東河北連城慕義殊方效順肅奉玉室來獻于京實理溫純篆刻精古文曰皇帝恭膺天命之室暨厥圖冊登載粲然實惟我祖宗之舊繼獲玉檢其文亦同今殘虜浸徽羣心不應先朝之室眷焉復還非皇穹之眷方隆列聖之靈有厲豈繫涼德乃克臻此書不云乎以昭受上帝天其申命用休朕曷敢不承其以來年元日受室於大慶殿○是月京東安撫張林叛以京東諸郡降于韃人韃人遣舊合赤縣等來計事○十二月庚申朔簽書兼參知政事鄭昭先罷○閏十二月辛巳朔同知樞

寧宗 嘉祐定十四年

壽

皇子
封公

釋
釋

擢
擢
等

密院事官續兼參知政事俞應祥兼權參知政事○丙午奉安土璽
于天章閣命近臣告于天地宗廟社稷○戊申以殿前司同正將軍
岳等謀為變殺之○是歲浙東江西福建諸州旱沴成階利州水漲

嘉定十五年春正月庚戌朔御大慶殿受室○癸丑立李誠之
廣於蘄州○甲寅復贈蘄州死事官吏官其子孫有差○丁巳詔撫

諭山東河北軍民將帥官吏○已未以受室赦天下監司帥守上表
稱賀文武官各進秩一等大犒諸軍○甲戌陞鄂州武昌縣為壽昌

軍○二月庚子罷御史臺簾試任子法○三月丁巳詔江西提舉司
賑恤旱傷州縣○夏四月壬午詔蘄州毋納今年租稅○五月庚戌

太白晝見○甲寅詔監司憲囚察州縣匿囚者劾之○丁巳皇子祁
國公竑進封濟國公○已未以皇姪果州團練使貴誠為邵州防禦

使○壬戌知濟南府仲贊等攻張林於青州林遁去○已巳修孝宗
經武要畧○六月辛卯權參知政事俞應祥薨○秋七月甲子詔江

淮荆襄四川制置監司條畫營田來上○八月己卯命戶部詳議義
役○辛卯詔文武官毋得歸宗若為令甲午彗出氏○九月辛亥同

知樞密院事官續參知政事給事中程卓同知樞密院事吏部尚書
薛極賜出身簽書樞密院事○癸丑雷大雨雹○丁巳復以隨州三

關隸德安府置關使○壬戌彗沒○辛未太白晝見○冬十月丙子
以收復京東州軍犒賞忠義有差○已丑命禮官裒集受室本末為

書藏于祕閣○十一月戊午降德音于京東河北路罪無輕重皆除
之○十二月乙亥朔出米五萬石賑臨安府貧民○丙子以雪寒釋

京畿及兩浙諸州杖以下囚○丁亥李全為保寧軍節度使右金吾
衛上將軍京東路鎮撫使○是歲諸路戶一千二百六十六萬九千

三百一十口一千八百八十二萬五千七十
嘉定十六年春正月戊申嚴職吏法○已酉皇子坻生○丁巳

雷○辛酉命淮東制置司賑濟山東流民○二月戊子雨土○戊戌
皇子坻薨追封邵王諡曰冲美○三月戊申張林所部刑德來歸京

東河北路鎮撫節制大使司以為言詔刑德進二官復以為京東東
路副總管○丁卯詔以米五萬二千五百石賑道州飢○夏五月戊

申賜禮部奏名進士蔣重珍等五百四十九人及弟出身有差○六
月壬午賈涉卒○丁酉程卓薨○秋八月辛巳詔州縣經界毋增紹

興稅額○癸未申嚴船舶銅錢禁○九月庚子朔日有食之○乙巳

寧宗 嘉泰十五年

詔江淮諸司賑恤被水貧民○乙卯雷○冬十一月辛亥太平州水
詔賑恤之○十二月辛巳命淮東西總領及松江被水州募江西湖
南民入米補官○壬辰雷

錄後

嘉定十七年春正月戊戌朔錄程頤後

朝廷之所崇尚也曩者伊洛之季嘗排擯
於權臣之手矣更化以來既表章其季於羣邪改詆之餘復錄用
其後於綸旨褒崇之日垂卅之規模遠哉挹坐上之春風立門外
之暮雪季者皆知所趨向矣

○癸亥命淮東西湖北轉運司提督營屯田○二月癸巳蠲台州浦
賦十萬緡有奇○甲午命臨安府賑糶貧民○三月癸丑雪○是月
金人入寇迫西和州尋引兵還○夏四月辛卯詔戶州賑糶飢民○
乙未賜李全彭義斌錢二十萬緡為犒賞戰士費○五月戊戌詔覈
實兩淮京湖四川江上諸軍之數○六月丁卯朔太白經天晝見○
辛未皇孫銍生○癸酉知西和州尚震午坐寇至謀逆奪二官岳州
居住○壬辰京東河北鎮撫節制大使司言大名府蘇椿等率城皆
歸詔悉補官即以其州授之○秋七月丁酉命福建路監司賑卹被
水貧民○辛亥師岳為嗣秀王○八月乙亥罷通州天賜鹽場○癸

上不

未以皇孫銍為左千牛衛大將軍尋亮○丙戌上不豫濟國公坊立

立理
宗為
皇子

為皇子既四年儲位尚虛皇姪邵州防禦使貴誠德卒日聞上屬意
久之壬辰召宰執入禁中趣定大議○閏八月乙未朔申嚴兩浙諸
州輸苗過取之禁○丙申詔曰朕以菲涼獲承休緒念國嗣之未建
嘗以皇弟沂靖惠王之子為子矣審觀孰慮猶以本支未強為憂皇

上崩
理宗
即位

姪邵州防禦使貴誠亦沂靖惠王之子猶朕之子也聰明天賦孝問
日新既親且賢朕意所屬俾併立焉深長之思蓋欲為異日無窮之
計也其以為皇子改賜名曰又詔皇子檢校少保武寧軍節度使濟
國公坊為開府儀同三司判寧國府進封濟陽郡王皇子邵州防禦
使的為武泰軍節度使封成國公赦天下○丁酉夜漏未盡上崩于
福寧殿年五十七遺詔皇子即皇帝位尊皇后為皇太后垂簾聽政

○三月癸酉權殯于會稽之永茂陵附太祖第十三室二年九月加
今諡帝謙仁恭儉出於自然蚤親師儒留意學問黃裳在王府五年
輔導尤為有力自天文地理人事之紀以及三代漢唐治亂得失之
數本朝制度典章人才議論之要莫不為帝言之隨事獻規率多補

益帝嘗曰黃翊善之言亦難堪惟我則能受之彭龜年性鯁直有聞必告帝亦未嘗不從也即位之日首召朱熹于長沙以備勸講因議置講讀官十員各專一書不以雙隻日各二講又復作講之制皆前所未有也趙汝愚當國方欲引裳共政未兩月而裳卒帝始無所親倚韓侂胄以導達中外之言浸用事喜龜年既以論侂胄而退貴戚吳玘謂人曰上初無堅留侂胄之意有一人繼言之去之易尔而一時臺諫皆其支黨執政大臣又多與之相表裏者卒總其惡以底大侈開禧用兵帝心弗善也侂胄死諭太臣曰恢復豈非美事但不量力聖意可知矣在位三十餘年池臺苑囿無所增益府庫之財未嘗妄費袴履雖弊或加補權而愛民之念始終弗替一遇水旱憂見顏色御衆臨下率從寬簡故吳曦以世將據蜀不勞資斧而授首江淮湖鎮之區寇盜或作旋即底定皆獲信思順之所致也升遐之日遠迹哀慕昔先民邵雍言本朝之盛前代不及者有五而百年四葉居其一焉維中興四葉享國九十有八年上視先朝同一軌轍深仁厚澤決于海隅垂裕後昆有愆無極嗚呼美哉

灼一時人才於斯為盛實乾道之所培養也而寧宗皇帝得而用之觀夫上畏天戒下畏民嗾帝之心也克勤于邦克儉于家帝之行也故其初年忠賢之士聚于朝廷四方嚮風駭乎有慶曆元祐之望逮嘉祐祥符盜權之始士之見微慮遠者逆折其鋒雖寶元而不悔厥後起於廢網之餘拔去凶邪嘉靖王至帝終賴之蓋君子小人消長之分係乎天下國家安危之決如此此光王之所以謹也且夫慶泰禧定之間中外多虞事機沓至而帝信厚謙慈罔有說德仁念純孰對于神明卒保乂安以胎後嗣書曰我受命無疆維休以大惟艱詎不信哉



增入名儒講義續資治通鑑長編卷之三十

理宗

理宗皇帝乃太祖皇帝十世孫寧宗皇帝子也初孝宗時望氣者言會稽有天子氣後三十年當生真人太祖九世孫榮文恭王家于紹興府之山陰縣夫人全氏以開禧元年正月癸亥誕上于虹橋里第前一夕榮王夢一紫金帽人來謁比寤夜漏未盡十刻室中五米爛然起視赤光屬天如日正中既誕三日家人聞戶外車馬聲亟出則寂無所睹幼嘗晝寢人忽見上躡隱隱如龍鱗咸神異之○嘉定十四年六月乙亥補秉義郎○八月甲子授右監門衛大將軍賜名貴誠○戊寅授果州團練使立為皇弟沂靖惠王嗣先是沂王薨無嗣以宗室希瞿子賜名均為沂王後既而改賜名貴和○嘉定十二年八月景獻太子薨寧宗以國本未立命宰臣選太祖十世孫年十五以上者教養之如高宗擇立普安恩平故事遂以十四年六月丙寅立貴和為皇子改賜名竑除寧武軍節度使進封祁國公而以上嗣沂邸焉○嘉定十五年五月丁巳以竑為檢校少保進封濟國公○己未以上為邵州防禦使上性

凝重寡言潔修好學坐必正席屹然如山每朝參序坐待漏或多或少笑語上獨儼然若思出入殿庭雍容莊敏矩度有常見者欽容濟國公竑失德寢彰寧宗意不懌使相王爵閱四年不授每上朝寧宗諦視良久出則目送之蓋已屬意於上矣

恭惟先皇帝剛健篤實齊聖廣淵毓粹鍾靈發祥乎藝祖聖作明述繼躡乎寧宗帝初于宗藩龍德而隱者也聖學精專天步端凝寧皇目送於大昕之會朝壽明綿視於集英之侍立代王未入而大橫之兆已孚曾孫獨賢而未火之見已決矣

嘉定十七年正月寧宗憂形於色歷言竑溺女嬖狎羣小傲誕淫蕪數事且密諭曰皇姪端重英悟可承宗祧欲並立為皇子續正元良之位寧執奏曰聖意堅定如此宗社之福然事大體重容少遲精審行之寧宗曰俟瑞慶節可也○八月丙戌寧宗違豫○壬辰召右丞相彌遠參知政事直學士書樞密院事薛極入禁中寧宗頷使前曰疾已不可為朕前與卿議立皇姪宜亟行之○閏八月丁酉詔朕以菲涼獲承休緒念國嗣之未建嘗以皇弟沂靖惠王之子為子矣審觀熟慮猶以本支未強為憂皇姪邵州防禦使亦沂靖惠王之子亦朕之猶子也聰明天賦學問日新

五為

之祥

本未

上宗

即位
大赦

既親且賢朕意所屬併俾立焉蓋欲為異日深長之思無窮之計也其以為皇子改賜名制授武泰軍節度使封成國公又制以皇子檢校少保武寧軍節度使濟國公竑為開府儀同三司進封濟陽郡王判寧國府○是日寧宗崩遺詔命皇子即皇帝位尊皇后為皇太后推同聽政皇子遜避再三丞相彌遠等以天下大計為言皇子遂即皇帝位○辛丑赦曰天生丞民而立君所以任父母撫綏之責又有天下而傳子所以綿祖宗統系之基祇仰先皇自承不緒不以大寶為樂惟以萬方為憂懷保小民欽畏上帝消斥姦佞登崇俊良勤不倦於宵衣儉至形於澣服坐臻感格聿底康平一氣叶調群生茂豫中原雲附故境日歸允惟中興之功浸復太平之觀乃以焦勞之乂遂愆節適之宜忍聞憑几之言方切號弓之痛願令眇薄獲續休明仰奉母儀俯臨海寓正皇皇如灼之際加兢兢載惕之思然創鉅摧心尚曠萬機之務而政先及物豈稽四海之恩可大赦天下

甫迎而慶善之地收宅履紐之拜允叶而延喜之玉爰歸蓋黃考會朝默騰應龍之象壽明贊冊昭升賜谷之景紫微炳煥黃

祇願懷以承十三聖延洪之業以開四十二年億寧之治其中和條貫金声而玉振造化蕩滌靈激而電驚闡繹發謝蓋礎礎焉

○乙巳皇兄濟王郡陽竑為齊王○丁未以皇帝登寶位告于天地宗廟社稷宮觀諸陵○嘉定十七年閏八月己酉詔曰朕以冲眇之資纂休明之統聖父賓天之痛莫報親恩坤元載物之功幸依母範矧導揚於休命俾請決於政機爰迪舊章聿崇顯冊大行皇帝皇后志嚴警戒行茂懿徽儼日為明父助先皇而內治太極密運今尤率土之同瞻方將充仁心以宏濟于艱難昭慈訓以保佑于涼菲庶邦基之弗墜尚寰宇之小康敬正隆名以揚大德宜恭上尊號曰皇太后○癸丑丞相彌遠等率百僚請皇太后同聽政至是八上表皇太后手書此非吾志深惟先帝遺訓已播告中外若退託不已恐無以安人心姑循所請○庚申皇太后皇帝始御素幄垂簾聽政以宣繒為攢宮總護使吏部侍郎楊燁按行使內侍鄭俱付之○賜皇兄濟王第于湖州尋詔充醴泉觀使就第○壬戌詔史彌遠書撰哀冊文宣繒書撰謚冊文薛極篆寶文禮部侍郎程玘撰謚議○癸亥詔以日易月之制雖已仰遵先帝遺

皇太后
尊號

聖示

將士

選儒
臣開
講席

禮兩
詔理
刑因

孝宗
請法
慶宗

烈然吾與嗣君心實未安宮中自服三年之喪○九月庚午以三
邊未能撤戍帥守將士勞役日久令學士院降詔撫諭○甲戌宰
執奏垂簾外朝之禮請酌高宗典故而行從之○乙亥皇太后皇
帝便殿垂簾宰臣奏聽政之始宜褒表名儒以興起士大夫之心
於是集英殿修撰傅伯成爲顯謨閣學士直寶謨閣揚簡寶謨
閣直學士祕閣修撰柴中行復右文殿修撰並奉祠召顯謨閣學
士鄒應龍寶謨閣待制知潭州真德秀煥章閣待制曹彥約赴行
在太后諭宰臣曰嗣君富於春秋正進孝之時宜精選儒臣早開
講席○丙子皇帝御便殿宰臣等拜表請皇帝○己卯皇太后皇
帝御便殿垂簾宰臣率百官請皇帝御殿至是三上表詔使日權
御後殿以程瑛及吏部侍郎朱著中書舍人真德秀兼侍讀工部
侍郎葛洪起居郎喬行簡宗正少卿陳貴誼軍器監王堅兼侍講
○皇太后諭宰執曰垂簾非美事斷不欲當弼遠奏曰皇帝嗣服
之初具有先帝遺訓願陛下勉爲宗社大計太后曰嗣君聰明自
可付託弼遠奏曰皇帝正欲觀陛下儀刑太后曰幸而保全至此
不如更有始終○壬午以程瑛爲刑部尚書葛洪權工部尚書真

宋監三十一

德秀權禮部侍郎兼直學士院喬行簡權工部侍郎魏了翁起居
郎陳貴誼起居舍人朱端常諫議大夫莫澤殿中侍御史藥深右
正言李知孝華宰監察御史○丙戌宰臣等奏請以大行皇帝陵
名爲永茂詔依○丁亥雷○庚寅上並宿齋于內殿禮部太常奏
上在諒陰明堂大享前二日朝獻景靈宮前一日朝享太廟並遣
官攝事○辛卯皇帝越紼大享于明堂赦天下○十月甲午朔以
久雨命從臣日一人禱于天竺山○戊戌詔諸道提點刑獄以十
一月按部理囚徒○庚戌御後殿○壬子詔諸道憲司下所部見
任官廩祿按單對給歲終上已支數于尚書省○十一月甲子右
正言藥深言孝宗皇帝由藩邸踐祚懷光堯顧後之恩奉慈福怡
愉之樂二十八年常如一日陛下先皇託付無異光堯賴母儀擁
佑有同慈福凡繼志述事承顏順色皆當以孝宗爲法而尤切於
新政者曰畏天悅親講孝仁民從之○丁亥詔曰朕猥以眇躬誕
膺駿命祖宗千百世之業傳序在予夷夏億萬人之心望治伊始
賴慈闈之擁佑慙涼德之菲冲粵自纂圖率遵垂憲欽惟太寶之
重守必以仁兆民之寧賴于有慶肆擬聖經之旨肇放年紀之新

慶宗

改元

請名

開講

宗議

綿景祚於延洪與群生而康乂更資中外之彥輔成本始之規興起治功允孚德意其以明年為寶慶元年○戊子丞相彌遠等乞參天聖元祐典故以五月十六日皇太后生辰為壽慶節表請者三皇帝奏請者再皇太后乃從○乙巳宰臣率百僚請以皇帝誕日名天基節凡三表乃從之○十二月乙未詔京西河北新復州軍屢經兵擾並免入貢仍與推恩○癸丑開經筵輔臣觀講早講論講讀官各一員晚講說書官一員○宰臣史彌遠等請以皇太后殿名慈明詔依○御史臺言大行皇帝係是十世當行議祧切謂商以契為始祖以湯大戊武丁為不毀之廟皆不在三穆之數魯公之廟文武世室也武公之廟武世室也公羊子曰世室世世不毀也仰惟國朝太祖皇帝為帝者太祖之廟太宗皇帝祔於太祖為一世之廟真宗仁宗神宗高宗各有制書不祧此與商周不毀廟魯公武公之世室名異實同世世之祧既不在三昭三穆之中則固不在九廟之數自太祖以至光宗實為五廟今大行皇帝始為六廟合增展一室以祔大行皇帝於禮為合於義為安詔恭依

寶慶元年正月壬戌朔詔舉賢良○丙子湖州申濟下驚悸得疾特賜錢三千緡命守臣選醫診治早薨賜賻贈銀絹千匹兩會子萬緡充官葬

濟王名貴嘉定十三年立為皇子賜今名及王居湖州含山入潘壬潘丙陰通季全謀挾王渡江北擁立期以某月十七日謀云二十七及期季全之兵不至二潘慮事泄率百餘人突入州城求王不獲頃之得於水閣下挾以出加之黃袍行險僥倖皆二潘之謀王不知也二潘敗逃謀害濟王遣其客秦天錫且頌醫視疾之命時王本無疾天錫諭意逼王就死遂縊死于州治

甲申程秘進讀三朝寶訓奏曰藝祖皇帝受禪之初與三軍約不許殺戮一人自後聖聖相承守為家法上曰祖宗以仁立國朕當以仁守之上問曰寶訓中云治世少而亂世多君子少而小人多何也秘奏治世所以少亂世所以多者正緣君子少而小人多也蓋君子初未嘗少聖君出而君子多小人初未嘗多庸君出而小人多上曰然○已丑朱端常奏蜀士當得郡者紹興以前悉親詣闕下廟堂因得以審其人物而進退之自慶元以來非制可辟差

理宗 寶慶元年

寶慶

准讀

詔儒
臣啓
迪

則馳牘干請今欲除曾任太守有治效人外必令親到堂除授奏
事訖之任次任與免從之○己丑詔曰朕初纂丕圖亟奉慈訓既
御經幄日親群儒深念進德立治之本實由典學朝夕罔敢怠忽
尚賴諸賢悉心啓迪母有所隱朕當垂聽益加自勉即令學士院
明諭朕意

龜鑑曰

王人多聞必學古訓嗣王緝熙斯顯德行此正聖學窮

理盡性之功也夫以聖人天資之高明而又充之以學力之光

大則始焉致知者此理之明也終焉盡性者此理之誠也肆我

理宗自踐祚以來講惟日關聖學日新何嘗不自窮理盡性中來哉

二月壬辰朔雪○詔禮部貢舉○癸巳朱著王暨進讀高宗寶訓

孝德卷終著奏高宗當中興艱難之初欽事慈寧皇太后始終極

至願陛下以高宗為法上嘉納忽愾然曰雪作非時朕終夜為之

不安當益恐懼修德凡有闕失無忘忠告○甲午詔故太師武勝

定國軍節度使鄂王岳飛謚忠穆尋改忠武○丙申以師弼為檢

校少師嗣秀王○戊戌詔福州温州各添教官一員○甲辰御後

殿引見吏部奏舉改官十有八人○蠲兩浙州軍屬縣官私餽錢

有差○戊午出豐儲倉米七萬五千石賑臨安貧民馬步軍諸班

直皇城司守衛官兵給犒有差○辛酉仁文哲武恭孝皇帝靈駕

發引皇太后行奉寧奉辭禮皇帝行啓奠祖奠禮奉辭于皇城門

外行遣奠禮百寮辭于郊外○癸酉永茂陵掩攢○四月辛卯朔

寧宗皇帝祔廟頌德音于臨安紹興府○壬辰朱碧進讀高宗寶

訓至高宗曰周公戒成王惟在知稼穡艱難上曰朕近寫無逸一

篇揭為四圖置之坐右以便觀省念茲在茲不忘艱難○丁酉皇

太后手書吾晚年多病志在安閑嗣君可日御便殿聽政今後更

不垂簾○戊戌臣寮言臣伏讀太后還政御札前代母后勉強矯

拂不能為之事而太后聖斷行之略無難色實為萬世母后臨朝

之法上曰朕受太后之恩如天朝夕思之未知報稱更當力請○

辛丑壬寅上兩請皇太后仍賜垂簾不允○丙子詔曰朕以眇躬

獲承大寶寔賴聖母同覽萬機粵自聽斷之初已持謙退之志朕

仰遵先帝遺訓濫控丹衷聖意曲從臨朝數四今者手書屢降申

諭益嚴朕心皇駭莫知所為疏奏面陳願還親札至于累日慈聽

莫回雖明謨眷斷今古無隣而內顧菲涼懼弗克稱然而威命既

布敢不勉承惟一守於洪規庶不負於付託布告天下咸使聞知

理宗示寶慶元年

太后

乞法
高宗
賜岳
飛謚

○詔今後見供職及在外帶職從官依元祐十科舊制歲舉三人從右正言麋溥請也○辛亥出豐儲倉米八萬石賑濟臨安貧民○五月丙寅以師弼為開府儀同三司奉國軍節度使知大宗正事師貢為檢校少師以皇叔祖和州防禦使不煥為保康軍承宣使嗣濮王○甲戌詔在庭之士日命其一面對又詔曰自昔帝王即政之初首關四門達聰明目訪予落止小必求助凡今内外文武小大之臣有所見聞其以啓告忠言正論朕所樂聽事有可行虛心而從言或過直無悼後害封章來上以副朕延納之誠焉○六月辛卯太白晝見○丁酉錄行在繫囚○壬寅御後殿引見吏部奏舉改官二十人○丁未三省同奉御筆朕恭票太后聖諭謂丞相忠貫日月勲塞宇宙實惟我國家無疆之休惟屢宣至意欲示褒崇而丞相謙遜退却囊封固奏力辭不已使崇德報功之典久未昭著甚非所以承先朝始終眷倚之意丞相左右擁翊之功其議有以尊顯之朕惟丞相受知二祖光輔兩朝贊更化以正權綱佐定策以安宗社不動聲色中外晏寧可謂社稷之臣矣國之元勳且有異數重以慈訓其敢或違可拜太師依前右丞相兼樞

使進封魏國公今有司討典禮以聞○史弼遠具劄辭免詔批答不允尋五辭從之○辛亥秘書監葉未奏郡司貪刻之害上曰郡守不職亦緣監司不得其人監司得人則一道蒙福○七月壬戌將作監張忠恕輪對奏求言事上曰詔下已兩月應者絕少縱有之亦未盡忠謹也忠奏曰臣聞已上之疏多有鯁論而聖諭如此足見陛下好直惡佞之切○乙丑陳貴誼奏近下詔求言恐詞有過直乞賜包容上曰大凡聽言善者從之合理者容納之○詔三衙臨安府兩浙路州軍杖以下釋之○丁丑喬行簡奏及濟王事上曰朕待濟王可謂至矣行簡奏云濟王之罪人所共知當如周公待管蔡之心又當取孟子為周公受過之意○詔滁州大水撥會子三千緡米千六百石賑恤被災之家○禮部侍郎真德秀奏臣竊聞陛下迺者消選剛辰移御清燕非特恬養神明之觀抑且稍正宮寢之儀臣子之心不勝慰幸然區區之愚有欲獻於陛下者不敢自嘿恭惟高宗皇帝受命中興再造區區夏六飛南渡駐蹕錢塘其與前世之君筭路籃縷以啓山林被掇荆棘以立朝廷者殆無以異其艱其勤可謂至矣孝宗皇帝嗣守丕緒志清中原二

理宗寶慶元年

十八年間蒐攬英材精厲聽斷未嘗一日少懈用能保固大業垂萬世無疆之休今陛下所御之宮庭即二祖儲神間燕之地也仰瞻楹楠俯視軒墀常若二祖實臨其上念昔者初守之惟艱思今日繼承之匪易則就業祗懼其容少忽乎漢文帝有言朕奉先帝宮室常恐羞之惟其以是存心故能終身為恭儉之主兩漢之君莫先焉此臣之所欲獻者一陛下前所居處密近東朝唯思曲盡人子之恭其敢遽當人主之奉今宮閣暨乘輿服用之需願指使令之便必將浸備於昔臣知聖性恬淡固非外物可移然以一心而受衆攻非卓然剛明弗惑未有不浸淫而蠹蝕者然則將何道以契之曰惟學可以養此心惟敬可以存此心惟親近君子可以維持此心蓋理義之與物欲相為消長者也篤志于學則日與聖賢為徒而有自得之樂持身以敬則凜如神明在上而無非僻之侵親賢人君子之時多則規儆日聞諂邪不得而惑二者交致其力則聖心湛然如日之明如水之清理義常為之主而物欲不能奪矣此臣之所欲獻者二三年之喪行於宮壺非獨衰麻在躬而已哀慕之存於心者不可頃刻忘憂感之形於色者不可斯須已

宋史卷一百一十一

古者卒哭而廬居小祥而望室今雖未能如昔然若處之制不可不極其朴素也古者服喪非有疾不飲酒食肉今雖未能如昔然饗人太官之供不可不極其菲儉也古者終喪不處于內今雖未能如昔然防微謹獨屏遠聲色不可不極其嚴也食則見先帝于羹立則見先帝于墻庶幾不負罔極之恩不昭純孝之實倘因移御之適凡所以自奉者少異於居喪之儀則雖衰麻在躬猶不服也此臣之所欲獻者三陛下前者日侍慈明兩宮之情常懼然而無間今視膳問安之敬雖無改於昔而其見則有時矣此正陛下深留聖心之日也古之事親者聽於無聲視於無形一舉足一出言不敢忘父母也况皇太后親奉神器以授陛下同聽萬機曾未數月褰裳去之如脫敝屣隆恩厚德與天地無極陛下將何以報之乎然則恭勤之禮孝養之誠當有加於前日可也至於兩宮侍御之臣恩意當使如一蓋愛親者及其犬馬况左右使令者乎厥今群臣萬物之命繫於兩宮惟一兩宮慈孝交隆於上則群臣萬民皆有所恃以為安而兩宮侍御之臣亦得以保其富貴此臣所欲獻者四臣猥以不材叨備勸讀比者親取聖訓苟可裨益朕躬

理宗皇帝元年

母或有隱陛下之虛懷求助如此臣其敢以淺陋自解乎用是輒
陳其愚冀補萬一惟聖明擇焉取進止○貼黃臣竊惟古者平日
視朝以為常度人主與天同運故必與日俱出以臨照百官則陽
德宣昭政機無壅先皇帝每旦御朝率在卯辰之間臣侍螭坳二
年實所親見陛下始初清明正厲精庶政之日而晨興聽事乃頗
後於先帝之時正使宇內晏寧猶恐示人以怠况中外多虞之際
乎孔子曰昧爽夙興正其衣冠平旦眡朝慮其危難一物失理亂
亡之端惟陛下深味斯言自今臨朝必以日出為節于以法乾健
而躰離明通下情而達民隱實初政之首務也臣僭帥有陳仰祈
矜貸○丁酉詔諸路州軍受納苗米不許過數增入多糧斗面令
轉運司覓察○壬寅詔司農丞姚子才封事切直進官一秩受秘
書郎○癸卯詔傅伯成揚簡先朝耆德朕心素所簡記可召赴行
在令所在州軍以禮津發詔真德秀奏事朕因訪問廉吏德秀以
知袁州趙箴夫對朕惟獎廉所以律貪亦庶幾化貪為廉之效以
惠吾民趙箴夫除直秘閣福建提刑○丙午詔侍從給舍臺諫卿
監郎官及在外前執政侍從諸路帥臣監司各舉廉吏二人○戊

宋徽宗三十一年

申詔侍從兩省臺諫三衙知閣御帶環衛官在外前執政侍從諸
路監司帥臣都副都統制及屯戍主將各舉堪充將帥三人○已
酉地震○壬子詔故禮部侍郎贈少師張九成紹興策士以直言
受知高宗正色立朝有中興明道之功贈太師追封崇國公謚文
忠○甲寅詔以程頤四世孫源為籍田令○丙辰莫澤奏真德秀
舛論綱常簡節聖語牒示言路曲為濟王之地○日德秀在長沙
頗有士譽朕故召之澤執奏求去詔德秀除朕予祠○丁巳詔監
司守令各精白自新以稱朕意其或不悛必罰無赦○詔除豁紹
興府每歲經總制虛額錢九萬五千五百貫○九月己未朔李知
孝奏考功郎官洪咨夔議請臺諫大理評事胡夢昱上書言濟王
事辭語狂悖詔咨夔降二官夢昱除名勒停家州羈管○丙寅著
作佐郎陶崇奏保業謹獨謹微持以四事上曰卿所陳四事切於
朕躬朕當行之○詔曹試仍舊制取事官牒同居五服內親釐務
官牒同居小功親誼試三人取一從李知孝請也○壬午詔實錄
院編修寧宗皇帝御製○癸巳有流星大如太白○甲午林略對
論及渡江初偽齊連兵事上曰是時亦是諸將不叶致得劉豫敢

理宗 寶慶元年

來略奏曰仰見陛下於中興本末留神上曰今日不特兵少亦曰
訓練不精自家兵勢既張彼自不能為患○丁酉以皇叔祖奉國
節度使師貞為開府儀同三司皇叔安德軍節度使思正為檢校
少保○甲辰以皇叔祖奉國軍承宣使不悛為奉國軍節度使皇
叔祖保寧軍承宣使善賤為保康軍節度使○甲寅以皇叔祖安
德軍承宣使師潞為安德軍節度使皇伯保信軍承宣使希範為
保信軍節度使○知紹興府汪綱奏會稽攢宮所在稅賦盡免折
科山陰同應辦之勞乞照會稽除免詔權免三年○十一月癸亥
以宣繒兼同知樞密院事薛極參知政事葛洪僉書樞密院事詔
邵州係今上皇帝替藩陞為寶慶府鈞州與御名聲音相近改為
瑞州○乙丑制以楊谷為少保進封新安郡王○丙寅制以楊石
為少保進封永寧郡王直孝士院真德秀草制并上劄子曰臣恭
觀陛下以東宮冊禮告成明詔疏恩戚里之賢寵數優隆加以王
爵稽諸典故所未前聞然其老成靜重公論素所推予身為外屬
而避遠權勢不居京師治家教子風聲凜然誠近世戚畹之所未
有意其賢德夙簡聖心故因鉅典之成特示寵擢臣承命草制亦

既推明陛下所為褒表之意播告中外矣然臣伏觀古今載籍之
傳莫不以恩寵大甚為外家之深戒漢世賢戚無出樊宏陰興右
者宏之言曰富貴盈溢未有能終天道惡滿好謙前代貴戚皆明
戒也興亦有云外戚家苦不知謙退富貴有極人當知止夸奢益
為觀聽所譏惟二人其所操持若是故其子孫昌熾世有令聞為
史冊之光臣愚切謂二人之言蓋陛下所當知而戚里所當鑒也
夫倚伏無常古今所畏崇猶塵積替若駭機不可不深圖不可不
豫慮伏惟陛下清燕之間首觀樊陰之所由得返跡梁竇之所由
失常思所以安全外族裨蒙謙靖之福而不蹈滿盈之咎斯誠宗
廟社稷無疆之休臣以非材承乏詞禁官雖甚卑其職則有唐共
奉之舊故敢因事陳愚妄希李絳白居易之萬一惟陛下裁赦臣
不勝大幸○辛未詔行都及諸路公私僦舍錢米經減者減三分
從末端常請也○己卯幹辦諸路司審計司王自適進對論大中
之道上曰三聖相授守一道其此之謂乎中者不偏不倚無過無
不及之謂○庚辰幹辦諸司糧料院趙彥暉進對奏州縣折色病
民上曰纖悉如此殊失愛民之意○辛巳詔中外繫囚杖以下釋

朱端常奏魏了翁封章謗訕真德秀奏劄詆詆詔魏了翁落職罷新任追三官靖州居住真德秀落職罷祠○壬辰御射殿閱崇政殿親從射藝遷補有差○癸丑太宰正徐介進對論中庸僅獨之旨上曰此是以故存心不愧屋漏之意

賜張九齡等子孫官各有差又詔以布衣李心傳專心文章李令

賜張九齡等子孫官各有差又詔以布衣李心傳專心文章李令

賜張九齡等子孫官各有差又詔以布衣李心傳專心文章李令

之○乙酉朱端常奏魏了翁封章謗訕真德秀奏劄詆詆詔魏了翁落職罷新任追三官靖州居住真德秀落職罷祠○壬辰御射殿閱崇政殿親從射藝遷補有差○癸丑太宰正徐介進對論中庸僅獨之旨上曰此是以故存心不愧屋漏之意

官仍賜謚尋以太常寺議煥謚端憲九齡謚文達錄張九成呂祖謙張拭陸九淵子孫官各有差又詔以布衣李心傳專心文章李令四川制置司洋發赴闕○戊寅熒惑入氏○庚辰以禮部尚書程瑛知貢奉刑部尚書鄒應龍右諫議大夫朱端常中書舍人陳貴誼同知○二月丙戌朔御筆賜程瑛以下曰國家三歲取士試于南宮蓋公卿大夫由此其選事至重也朕屬在哀疚未遑親策爰咨近列往司衡鑑卿等宜協心盡慮精加考擇夫文辭浮靡者必非偉厚之器議論詭激者必無正平之用去取之際其務審此非偉厚之器議論詭激者必無正平之用去取之際其務審此

宋世三十一

十一

壬午太白歲填星合于女○二月丙戌朔雪○戊子以右正言李知孝言詔賊吏有實迹者不測置獄明正典刑其永不與親民及師儒差遣繼經赦宥不許改正有監司守臣保奉三負者所之仍每任所保以一負為額○辛卯詔諸道提點刑獄以五月按部理囚徒○察院梁成大奏真德秀有大惡五其奏濟王事乞追封以蓋逆狀趣立嗣以召禍端改節聖語謗訕朝廷無將之心與魏了翁同罪了翁已從寬削德秀僅褫職罷祠欲乞一等施行詔削秩二等○癸卯詔特奏第五等人遇郊與岳祠其願繳勅再試者聽○乙酉御後殿引見吏部奏奉改官二十有一人○三月丙辰朔梁成大奏寢王長孺召命徐誼胡夢昱重議施行初長孺餞胡夢昱詩有吾鄉小澹庵之語成大以擬非其倫黨和邪說不宜立朝瑄奉夢昱賢能才識有憂國敢言之詞成大謂夢昱狂悖瑄必與之合謀一人雖已寬削而罪大罰輕於是併及之尋于長孺祠瑄削秩三等徙居象州夢昱徙欽州編管○庚申詔曰朕自下求言之詔凡封章來上必詳加省覽亦已採擇施行而遐方小臣猶未有應詔近者始見普安軍推官羅宰所陳利病辭自勤懇一介

宋世三十一

法祖 謹名 器

正榜 簡地

旌導 游澤 直言

建功 臣

聖

下詔 極刑

之士身處蜀萬里之外乃能獨先衆人惓惓效忠深可嘉尚可持
 與陞擢差遣以勸來者以副朕聽納之志○辛未喬行簡進讀高
 宗寶訓謹名器篇至祖宗朝教坊官有求為郡者太祖以唐莊宗
 為鑒不與上曰用伶人為郡守非獨輕褻名器亦必為民害行簡
 奏乞謹守祖宗法度則名器自不濫上曰祖宗法度自是精密豈
 容不守○癸酉以楊簡為敷文閣直學士中大夫提舉南京鴻慶
 宮先是召簡以內祠奉朝請仍進職簡以疾抗章不至遂以是寵
 之○以久雨蠲大理寺三衙臨安府酒所贓賞錢○戊寅詔曰朕
 近召游澤見于便殿詳覽二疏因加訪問議論正大指證切實
 有益於君德治道聳聽嘉歎可特與改合入官仍除館職旌忠謹
 以導敢言乃朕志也先是澤以浙西提刑司幹辦公事召為太宰
 博士尋為秘書郎○戊寅詔太常寺建功臣閣繪趙韓王普而下
 二十有三人以昭勳崇德為名○己卯命從臣日一人禱晴于天
 竺山○蕪州火○庚辰以京湖制置使陳曠經理屯田有緒詔獎
 之○壬午決大理寺三衙臨安府兩浙州縣繫囚○四月己丑以
 隆興格制輔臣俸先是上覽尚書省所進請給冊以輔臣俸微令

戶部條奏及是奏聞遂有是命○辛卯以莫澤言令二廣諸司今
 後守倅以下闕官須申省部未有注授者方許奏倅倅令未滿求
 辟者禁之○以久雨詔大理寺三衙臨安府兩浙州縣繫囚杖以
 下釋之○癸巳秘書少監范楷進對言淫雨未止歲事可慮上動
 容曰朕深以為慮不知何道可以弭災楷奏願陛下益加儆懼則
 可轉災為福上曰洪範雨暘寒燠風皆歸之肅義哲謀聖以此知
 人事與天意常相感通楷奏人主與天地尤近所以古人夙夜畏
 威上曰敬天一念朕因此當益加謹上又問成湯以六事自責當
 時豈真有苞苴女謁諛夫等事只常常以此自省耳楷奏曰誠如
 聖諭○庚子詔曰昔成王立政之初於庶獄庶謹曲盡其敬忠厚
 積累囹圄空虛治道所由昌也朕踐祚以來幸廉戒貪興能拔帶
 亦欲郡縣聞風政平訟理也而懦者汨於吏奸莫卹人命強者輒
 持巧心析律貳端久繫株連遂易瘦死其或叨憤自豐庶威奪貨
 五過之疵是非舛紊蔑棄中典民寃莫伸哀矜之意微剝斂之風
 著豈朕為民父母之意哉繼自今監司守令各思天牧之重躬務
 審克無僭亂碎勿格詔而弗遵勿任情而自肆深培根本共守中

理宗淳熙二年

奏謝
不許
稽留

遺
王
爵

封先
聖後

天風

和庶幾群吏視儀罔敢弗率儻猶翫狎習為蔽欺貪殘淹留莫之
 糾刺上負朝廷之委任下辜斯民之宅生則國有憲章罰加失職
 非予一人所敢私○辛亥有流星大如太白○五月辛酉大理少
 卿葉罕言乞令諸州軍奏讞來上先以期日聞奏邸及刑寺以稽
 留獄之弊從之○戊寅李知孝奏乞速正濟王叛逆之罪追奪王
 爵先是知孝以為言上曰觀卿之意欲正名分明國法耳如朕始
 者所行正欲全恩意也知孝奏陛下隆骨肉之愛自是美事但叛
 逆之臣不正典刑非所以訓欲斷自聖意上曰更當審慮區處及
 是知孝章復三上上曰此事卿屢奏陳朕欲全始終之恩所以重
 於施行知孝奏陛下篤親睦族可謂至矣臺諫給舍既屢奏諫若
 有施行亦非得已願早賜睿斷上曰卿言既如此切至朕當出卿
 所陳更與大臣商確○以皇叔祖宜州觀察使知太宗正事善駙
 擬李佑神觀奉朝請仍進一秩○己卯詔曰朕祇奉宗祧務隆孝
 愛其於親睦之義尤所盡心不幸濟王自消叛逆既已曲加恩禮
 掩其罪惡及給舍繳章三上乞與追貶朕亦重於施行今臺諫屢
 乞正名定罪論奏不已私情公議未知道從可令三省詳議審處

以聞○癸未令萬壽觀建寧宗皇帝神御殿室○乙未以傅伯成
 為龍圖閣學士提舉南京鴻慶宮先是召伯成以疾抗章不至遂
 以是寵之○丙申御後殿賜禮部正奏名進士王會龍等勅凡九
 百八十九人○丁酉賜特奏名進士林石等○壬寅以先聖五十
 二代孫孔萬春為承奉郎襲封衍聖公○己酉錄行在繫囚○七
 月戊辰大風蠲大理寺臨安府點檢提領酒所贓賞錢兩浙州軍
 如之詔大理寺三衙兩浙州軍繫囚杖以下釋之待讀喬行簡因
 進讀奏風變上曰比者大風可畏皆朕不德有以致之行簡奏曰
 陛下引咎責躬此意上通于天在祖宗朝皆有已行典故臣已略
 具數陳欲乞陛下思所以應天之實上嘉納講畢上曰卿適所陳
 風變甚善朕當益加修省比以害稼為憂常令躬訪知早稻已獲
 晚稻未花又幸不崇朝而止○八月丙戌寧宗皇帝大祥上詣几
 筵行奠祭禮○壬辰令戶部申嚴州縣受租苛取之禁轉運使察
 其違者劾之○甲午以父雨蠲大理寺三衙臨安府點檢提領酒
 所贓賞錢○乙巳史弼遠等言謹按國史太平興國七年皇弟檢
 校太師兼中書令行河南尹西京留守秦王廷美以昵比凶惡速

降降
王為
縣公

逮逆謀群臣就請行法遂勒歸私第尋降涪陵縣公仍於房州安置比濟王從賊僭偽給舍臺諫俱有奏請乞正名定罪陛下欲全始終之恩非俞其請今又論奏不已臣等切詳恭王以言語不順尚坐追降竄責今濟王逆節著明負先帝教育之大恩忘陛下友愛之至德參之八公論揆之國法死有餘罪臣等仰體宸旨詳議審處欲乞將濟王追降巴陵縣公庶幾上全仁恩下伸公議從之○丙午衛涇慶○乙卯詔新中法科而資淺者須外歷二考以上方擢為評事從陳貴誼請也○庚申雷○癸亥以父雨命從臣日一人禱于天竺山蠲大理寺臨安府點檢提領酒所贓賞錢○丙寅奉安寧宗皇帝恭淑皇后神御于景靈宮萬壽觀○庚午工部侍郎兼崇政殿說書鄭清之晚講讀通鑑漢威帝時朱穆宦官恣橫事情之奏西漢士大夫得出入禁中人主不專與婦寺相處上曰朕觀周成之制宮中宿衛盡用士大夫使人君目見正人耳聞正論所以為進德之基西漢去古未遠尚有成周遺意正人君得親近士大夫真良規也嘆羨久之○乙亥詔捕全火盜不問初獲並減四年磨勘其有親獲實績經監司帥守保奏者特與改秩從李

女兩
行處

知孝請也○十月中申程秘等奏寧宗皇帝御集閣請以寶章為名詔依仍置學士待制以才德並稱者為之明著令甲○乙未以父雨命從臣日一人禱于天竺山蠲大理寺三衙臨安府點檢提領酒所贓賞錢○丙申詔中外繫囚杖以下釋之○辛丑雷詔輔臣曰連雨不止朕深憂之惟是寬恤刑獄蠲放逋欠悉已施行矣可以惠及下民者更議舉行一二事庶幾感召和氣速獲晴霽○壬寅復詔大理寺三衙臨安府兩浙州軍決繫囚○庚戌宰臣率百寮請御正殿從之○辛亥熒惑填星合于女熒惑犯填星○已卯改湖州為安吉州○十一月丙辰始御紫宸殿詔曰朕以眇躬嗣承大統寶戴皇太后覆育推佑之恩豐功盛德宜極尊崇今將舉冊寶禮朕欲於未進奉之前恭上尊號可令輔臣擬定進呈○丁巳詔不煩善踐行尊年高令赴朝參筵宴外餘並特免○戊午以倉部郎官潘樞為大理少卿詔曰朕惟天下國家之本在身每於躬行之際尤所致謹比覽潘樞首疏所奏深契朕心可特除以示嘉獎○辛酉熒惑犯歲星○壬戌以群臣再上奏請聽樂從之○已巳史彌遠等奏恭奉御筆皇太后今將舉行典禮欲於未進

潘樞
奏心

奉之前恭上尊號今擬定進呈臣等恭惟皇太后陛下功德懋乎
皇家性識超乎物表左右先朝以成三十年之治擁立聖王以垂
億萬載之休集慶延洪凝神靜密是宜如坤之載物而眉壽無疆
若月之麗天而至明以昭恭擬壽明二字為尊號詔依○丙子日
南至御大慶殿受朝畢詣慈明殿○詔曰朕親御路朝首與教化
士風所係尤務作新比年以來習尚澆漓文氣卑庸純厚典實視
昔歉焉豈涵養之未充抑薰陶之或闕咨爾訓迪之職毋拘內外
之殊各究乃心俾知所嚮矯偏適正崇雅黜浮使人皆君子之歸
如古者賢才之盛副予至意惟爾之休

論鑑曰菁莪育才而天下喜樂棧樸作人紀綱四方是則教育
之地賢俊所闕有不可以不重也蓋孝校重則人才重孝校輕
則人才亦輕理宗之崇教育其得諸此故丁亥親御路朝首以
崇孝重教為念天頒一札咨爾訓迪之官克盡薰陶之職矯偏
適正崇雅黜浮使人皆君子之歸如古士風之美也故

十二月癸未詔皇太后宜上尊號曰壽明皇太后有司詳具儀注
朕當親率群臣詣慈明殿奉上冊寶鄭清之晚講畢宣坐上曰朕
日見見太后語笑極從容且備言太后慈愛喜益天顏清之奏舜

有天下不足以解憂惟順於父母可以解憂陛下不以天位自矜
而以親懽為樂真大舜之孝也上曰太后不但慈愛曲盡最是聖
體康強願養大勝往日此朕所以尤喜也清之奏陛下以天下養
備盡孝道太后之心愉悅甚矣此所以聖體益強而無疾也上因
曰朕思前殿撤簾之事大臣未為盡善今太后聖慮高明娛適燕
間丞相趨朕母子之間密勿輔贊不見形迹使朕得日致其孝承
相之力多矣嘉歎再三○甲申以史彌遠為奉上皇太后尊號冊
寶禮儀使并撰冊書冊官繒篆寶○己丑以雪賜輔臣宴○庚子
詔以親饗給犒軍士○辛丑蠲大理寺三衙臨安府點檢提領酒
所茶鹽賞錢○癸卯親饗太廟

寶慶二年正月辛亥朔發冊寶于大慶殿上率群臣恭上壽
明皇太后尊號于慈明殿○壬子禮儀使史彌遠進官二等○乙
卯天基聖節群臣上壽于垂拱紫宸殿○庚申以冊寶禮成制揚
公楊石並為少傅○己巳詔朕每觀朱熹論語中庸大孝孟子注
解發揮聖賢之蘊羽翼斯文有補治道朕方厲志講孝緬懷典刑
深用歎慕可特贈太師追封信國公

寶慶三年

上皇太后

運封

自我藝祖皇帝開國之初與韓丁始普發明道理最大
之說由是本朝治體之純道學之粹遠同三代慶曆嘉祐間豪
傑並出陳洛之學上接洙泗熙寧之用程顥元祐之起程頤紹
興之聘尹彥明紹興之召朱熹烈聖相傳皆欲表顯而尊崇之
矣奈之何王安石則邪說認民也秦檜韓侂胄則奸臣擅國也
以新經字說胥天下為黃師白輩則安石之為也反因事辦率
獸食人謂學為偽謂道為禁則檜侂之為也理學之廢興關於
世道之消長可勝言哉先皇帝自初踐祚始御講筵即未嘗以
名呼先儒若周元公頤則曰濂溪張邵伯載則曰橫渠二程則
曰伊川明道而尤為尊用朱文公熹之四書自時厥後或錫之
美謚或贈之封爵

奏人
心道
初之

二月辛巳朔著作佐郎游澤奏道心人心之別上問曰莫是道心
為主人心聽命否澤奏云正是此意○癸未詔銓部今後司法參
軍不許以諸司年勞出官人注授諸道檢法官照條格差注憲司
毋得妄辟從梁成大之奏也○甲申淮西強勇三軍統制王鑑持
添差兵馬鈐轄以職事修舉故也○癸巳御後殿引見吏部奏舉
改官一十七人捕盜酬賞二人○己亥鄂州諸軍副都統制質俊
捍禦西蜀備宣勞效詔進官一等○癸卯太常議故端明殿學士
薛叔似謚曰恭翼○二月庚戌詔方春和時郡縣長吏其各勸農

設州
縣制
長吏

朱在
奏人
主學
問之
要

桑抑末作戒奇擾俾斯民安土樂業力本耕織以成富庶則予汝
嘉○工部侍郎朱在進對奏人主學問之要上曰卿先卿中庸序
言之甚詳又奏孔子廟從祀去王雱畫像處上曰亦曾有此例來
在奏曰惟其從祀不當公論所以去之又奏先臣四書印本所在
不同上回顧宣諭曰卿先卿四書注解有補於治道朕讀之不釋
手恨不與之同時○詔今歲郊祀大禮令有司除事神儀物諸軍
賞給依舊制外其乘輿服御及中外支費並從省約○四月癸未
趙至道奏郡縣之官不許數勢要合納官物勢要之家不輸戶內
當稅賦守倅增數解發倍價折納分差巡尉下鄉催擾並論以違
制豪戶不即改正隱寄之產為人陳告如條科制從之○癸卯朝
獻景靈宮甲辰亦如之○五月甲寅蠲大理寺三衙臨安府贖賞
錢詔大理三衙臨安府兩浙州軍杖以下罪釋之○己巳為進讀
高宗皇帝寶訓徹章賜宰執經筵官燕于祕書省○癸酉詔侍講
讀修注官各進官一等餘補轉搗給有差○閏五月己卯朔梁成
大奏乞嚴飭州縣禁繫罪囚不實書曆郡守編隸囚徒未經結錄
輒行持判憲司詳覆所部獄案淹延歲月重寘典憲從之○甲申

奏人
心道
初之

甲申
二月
辛巳

蠲大理寺三衙臨安府及屬縣贓賞錢○丁未錄行在罪囚○六月戊申朔日有食之○甲子監行在都進奏院鄒應博奏對謂書曰人心惟危道心惟微惟精惟一允執厥中上問曰人心惟危道心惟微聖人之道果不出此數句應博奏實如聖訓臣所學德明親見其師朱熹晚年之言平生於學幸有見於此數句諸儒皆是道心而非人心惟朱熹謂人不能無人心亦未嘗無道心人心者如飲食男女好樂忿懣之類是也若無此則何以為人乎惟其縱而不知檢則逐物而遷故曰人心惟危也道心者良能良知也而此心必甚微而難見聖人克吾良能良知之心使天理流行而昭著則人心自入於檢防之中也上舉朱熹中庸序中語云道心常為一身之主而人心每聽命焉應博奏陛下該貫朱熹之言仰見聖學日新之功○御射殿閱諸班直射藝換授有差○戊午詔曰勅内外文武臣寮等朕以今年十一月六日欵謁于南郊咨爾攸司各揚乃職相予肆祀毋或不恭○甲子詔准東寶應縣陞為寶應州○丙寅前知南康軍王拭奏敬為聖人立德之基上曰敬之一字所關甚大能於持敬心何事不可為○七月戊子正言梁成大奏乞下銓部幕職職狀及格人或舉主未及格以恩賞循資或全無舉主曾經論列人毋令注授○已丑詔中外繫囚杖以下釋之蠲大理寺三衙臨安府酒所贓賞錢○庚寅以以兩命臨安守臣禱于天竺山○辛卯詔寶應城淮陰山陰四縣並隸寶應州○乙未詔諸路憲司覈察州郡不支小官俸給者按劾以聞○趙至道請也○丁酉詔曰比者疾風甚雨介于秋成以朕之不德上天示譴夙夜震恐慮為民瘼訪聞畿甸多有飄損禾稻毀害室廬去後居民失業必致流散深可矜憫如被水州郡速議賑濟仍與放行竹木等稅及富室假貸向去且令倚閣無幾貧富相資以寬目前之急併其他賑恤事件亟令有司條具以聞○庚子以以雨命從臣日一人禱于天竺山○八月丁未朔李知孝奏無逸之書周公戒成王其辭確切其義精深上自天命之昭明下及細民之勤苦体念小人依倚之地深察閭里怨詛之情推用心逸勤之殊驗享國久近之應其立言之大旨最切於人主之身者曰集大命結人心保壽齡而已惟陛下留神從之○庚子制封謝氏為通義郡夫人○丙辰詔寧宗仁文哲武恭孝皇帝諡號見今六字宜加

皇宗寧慶三年

上十字為十六字如祖宗故事令宰執侍從臺諫兩省官禮官集議仍令禮官詳具典禮以聞○癸亥詔吏部試邑內經罷黜毋得再注知縣縣令從留元英請也○甲戌太白熒惑合于翼○九月太常議故少保觀文殿大學士魏國公留正謚曰忠宣○甲午以史彌遠為郊祀大禮使宣繒禮儀使薛極儀仗使葛洪鹵簿使朱著橋道頓遞使○乙未以史彌遠為奉上寧宗皇帝徽號冊寶禮儀使宣繒撰冊薛極書冊葛洪篆寶翰林學士程秘撰儀文○庚子詔時青堅壁守淮獨當一面屢戰捷除武康軍節度使左金吾上將軍忠義都統制○丙午史彌遠等集議加上寧宗皇帝徽號曰寧宗法天備道純德茂功仁文哲武聖睿恭孝皇帝詔依○十月辛亥江剛中奏乞下戶部總所江湖荆襄兩淮漕司行下和糴州縣毋得科抑仍令產米之處增價招誘重實于罰從之○已未詔曰朕以眇躬幼膺聖緒今始郊見天地兢兢寅畏慮弗克任已先期齋肅庶幾對越無愧凡百御事之臣各宜恪謹攸司毋惑怠慢以稱朕意○甲子以皇弟右監門衛大將軍與頤為宜州觀察使賜名貴謙尋繼沂王後皇弟右千牛衛將軍孟杓為和州防禦

使賜名乃裕尋繼景獻太子後○十一月丙子朔以奉上寧宗皇帝徽號冊寶告于天地宗廟社稷宮觀○戊寅發冊寶于大慶殿遣群臣奉上于寧宗皇帝廟○已卯朝獻景靈宮○庚辰祭享太廟○辛巳日南至祀天地于圜立○壬午詔曰朕紹列聖之洪基膺中興之寶曆若昔續圖之始適當修祀之時固嘗肇舉於明禋曾未特伸於大報茲遵舊制茂蕝禘谷天覆地持既肅合祛之典祖功宗德益嚴並侑之儀若七曜之照臨暨百神之森列咸從秩序祇徹丹純載惟涼菲之資昭受盈成之託仰法紹興之治近承嘉定之規用易美稱以迎新社其以來歲改為紹定元年可大赦天下○詔大理寺三衙臨安府點檢酒所贓賞錢○壬寅詔布衣李心傳持大理寺三衙臨安府點檢酒所贓賞錢○壬寅詔布衣李心傳持授從政郎充秘閣校勘○癸卯詔曰朕嗣承大統初郊禮成稽之典冊壽明皇太后合上尊號可令有司討論典禮以聞○丁巳丞相史彌遠等擬加上壽明皇太后尊號曰慈睿詔依以史彌遠為奉上壽明慈睿皇太后尊號冊寶禮儀使○甲辰以雪寒糴貴出豐儲倉米七萬石以紓民○十一月己酉日生背氣○辛亥詔兩

續通志卷之三十三

浙江東西湖南北州縣凡有米粳申嚴過米之禁從注剛中請也

○初定元年正月丙子朔御文德殿群臣朝賀發冊寶于大慶

殿上帥群臣上壽明慈睿皇太后尊號于慈明殿○壬午趙至道

奏江淮州郡妄征經過米舟蘆蕩沙產一例官租山漆魚池創立

約束禁止商人買販乞下憲司嚴戢至道又奏霖雨傾壑科撥賑

恤而監司守令奉詔不虔乞加申飭並從之○梁成大奏諸路屬

縣擅置廂房囚繫無辜長吏不遵法令小民誣誤罪不過杖輒押

出界流離失業乞加禁約從之○乙酉壽明慈睿皇太后冊寶禮

成姪楊谷揚石並除少師仍加恩○丁亥雷○丙申以雪出豐儲

倉米七萬石以紓民○二月己巳朔詔禮部貢舉○丙午梁成大

奏選人改官舉主五負內用職司一負始為及格近奔競巧取者

或用職司三四負甚至五負而寒峻終身不得職司合穎乞下吏

部止用一負過數毋令收使從之○壬子梁成大奏銓法官吏交

承必避親嫌宗室替頭尤所不許庶革前後積弊乞下吏部證守

舊法從之○丁卯以皇帝潛邸陞黔州為紹慶府成州為同慶府

○辛巳詔陞寶應州山陰縣為淮安州改山高縣為淮安縣其淮

安縣連水縣並隸淮安州○辛卯太常議故端明殿學士楊輔誥

曰恭惠○四月癸亥命臨安府禱雨于天竺山○乙丑御後殿引

見吏部奏舉改官人○五月戊寅梁成大奏乞申嚴薦舉法除陞

陟所知政績姑從舊法改官廉吏犯入已贓者許舉主悔舉從之

○丁酉兩筩○六月壬寅朔日有食之○戊申以薛極兼同知樞

密院事趙至道奏乞下有司制諸路翻異駁勘之獄詳審斷結庶

無淹濫有輔仁政從之○己酉流星晝墮○丙辰軍器少監于德

謙奏陛下修德講學當取法高宗皇帝上曰高宗畏天愛民真可

為法○戊午錄行在繫囚○七月癸未梁成大奏州縣貪刻或以

微罪沒入富家資產不申憲司掩歸私室自古估籍必的有贓犯

依條申省少助邊儲從之○乙未留元英奏權攝州郡過取事例

匱乏郡計乞飭監司按奏以聞從之○辛亥留元英奏諸路州軍

僚屬私役禁軍乞下帥司約束違者以聞從之○戊午以久雨決

大理寺三衙兩浙路繫囚杖以下罪釋之蠲贓賞錢有差○八月

資政殿學士知潭州曾從龍奏州縣賑民之法有二曰濟曰貸曰

舉濟不可常惟貸與舉為利可以今撥緡錢一十萬有奇分下潭

敬天
事親

湘十縣委令佐粟米置惠民倉乞比附常平法從之○壬申李知
孝奏州縣鋪兵俸給乞令諸路漕臣嚴督所部州軍於係省錢截
支歲具已支實數申臺省從之○甲戌詔監司每歲諸所部州縣
慮囚至來年正月歷遍如屬縣非監司經由之路委官分往監司
復行點檢毋置寬濫奉行不度令御史臺覺察以聞○十月壬寅
李知孝奏浙東倉司創餘姚斷塘鹽竈擾生聚課良田乞行廢罷
從之○甲辰朝獻景靈宮○乙巳亦如之○丁未翰林學士侍讀
鄭清之講畢上曰近喜清明刈獲迄事清之奏陛下敬天事親皆
極其至今天意昭格東朝悅豫應驗若此上悅○時江西湖南福
建寇次並起連破諸縣○戊申熒惑犯壘壁○己酉太常議故資
政殿大學士賀允中謚曰清簡留元英奏乞下吏部應銓量官令
長貳從容延接訪問民事其疾病癯老者證旨揮施行如不堪任
職貪酷累被按劾者與別注降等差遣稱量能授官之意從之○
辛亥鄭清之同王暨進讀上曰朕觀漢唐以下人主鮮克有終者
皆由不知道清之奏聖見高明可謂推本之論王暨講尚書上問
曰夏桀不道成湯放之可以鑒矣紂何為復尋其覆轍王暨奏惟

宋史卷二十一

嚴飭
和吏
官吏

上智與下愚不移殷鑒不遠在夏后之世紂不能監遂至滅亡所
謂下愚不移者也清之奏自古人主不能以亂亡為鑒豈獨闇君
庸主漢武帝飭聞亡秦贖武之弊而窮征四夷唐元宗手鋤太平
逆章之難而敗於女寵猶未足怪太宗英明創業親見隋煬征遼
亡國乃縱兵鴨綠汜無成功有累盛德是皆不能以覆轍為戒正
如聖語由不知道所以不能以道制欲爾王暨奏以古為鑑此言
發於太宗而身自違之上曰非知之艱行之惟艱○壬子趙至道
奏乞行下諸路漕司嚴飭和糴官吏毋得多取增量庶農民不憚
與官為市從之○丁巳熒惑填星合于危○癸亥太常議故參知
政事章良能謚曰文莊○甲子熒惑犯填星○十一月癸酉熒惑
入羽林○知汀州余鑄奏固根本事上曰聞州縣間常賦多有橫
取邦本豈可不愛惜○庚辰雷○壬辰蠲大理寺三衙臨安府茶
益贓賞錢○癸巳決大理寺三衙兩浙州軍繫囚○丁酉趙至道
奏申嚴皇城司給牌之制賃牌往來者照關入法庶九重之地威
禁益嚴亦防微杜漸之一端從之○十二月辛亥以薛極知樞密
院事兼參知政事葛洪參知政事袁詔同知樞密院事鄭清之端

與示錄卷之五

飛節 百官 同

依時 二統

示大 空司

講豐 後心

郵條 死

明殿學士僉書樞密院事○癸丑注剛中奏乞戒飭中外文武百
察官各務體國同心如守倅令佐五申監司即與剖決曲直毋致
模稜並罷其將帥或不協制司作急區勉毋令兩虎自鬪徧裨智
勇過人為大將所忌者與薦之朝別行擢用勿許占留一方有警
四面皆從毋得輒分疆界按兵觀望從之

○甲戌天基節群臣上壽○乙亥賜文臣宴于貢院○庚辰大
理寺直張珩進對論州縣檢驗鞠獄四事上曰刑獄人命所係豈
容不謹○詔景獻太子府改講毛詩○甲申臣寮言乞詔諸路漕
司嚴察屬縣丞簿依時過割二稅從實銷注版籍違者按劾從之
○丁亥熒惑歲星合于婁○癸巳雷○甲午詔以權兵部尚書王
暨知貢舉吏部莫澤右諫議大夫李知孝同知○二月庚子朔詔
知貢舉王暨等務東實才以副朕意○臣寮言乞戒敕中外群臣
各守禮義廉耻之維堅安靖恬退之節有不安意者奏劾以聞從
之○臣寮奏今日士大夫學術之未純皆基於歧道法為二致乞
明示意嚮以風在位變易偏尚即道以行法遵法以為政則學有

用之學道為常行之道從之○庚戌臣寮奏乞戒舉廉吏申嚴保
任之法如犯奸贓與之同罪仍令監司郡守覺察從之○辛酉臣
寮言近歲書尺干請苞苴之弊宜加禁絕以變薄習從之○甲子
侍講范摯進講易豐卦因奏云當豐盛之時聖人於諸爻有壅蔽
不明之憂上首首良父乃曰豐亨盛大之時侈心易生其後遂至
徇情肆慾窮奢極靡如秦皇漢武禍亂將作而不自知此不可不
戒也侍讀喬行簡奏陛下之言及此宗廟社稷之福上曰只要心
有所主講讀合辭稱贊曰聖學高明此一語尤為切當若心有所
主則一切不能惑矣○辛巳監進奏院楊夢信進對奏論聖學因
及宸翰所書中庸聰明睿知足以有臨一章上曰以其切於君德
故書之又奏縣宰催科之擾上曰財賦自有常數夢信奏常數固
定只緣簿書不明所以有弊上曰知縣在得人○辛卯臣寮乞下
諸路憲司每歲將州縣繫囚瘦死最多者具獄官姓名以聞重與
鐫降從之○又詔今後州縣催科必遵常制縣令非才擇佐官可任
者委之仍不許差州官及寄居權攝從臣寮請也○癸巳監進奏
院桂如琬進對奏公邊民兵可用上曰今日立功多是民兵如琬

聖宗紹定二年

奏民丘皆有戶籍稅產又諳熟地利故戰則有功上曰然又奏擇將上曰今日將才難得奏云行伍間亦有人往往軍將忌嫉不得自伸上曰軍將多是相忌又奏屯田上曰荆襄所行如何奏云荆襄總行數年積谷已踰百萬兩淮四蜀豈無可行之處上曰然○已亥臣寮奏補試驚帖之弊乞令國子監放榜日取索待補真卷比驗字迹或不同將中榜及賣帖人一例殿幸從之○乙卯御集英殿策進士○庚申詔州縣闕官不許挾士術人豪民能吏借補官資權攝小官請俸不許積壓及以他物准支民間二稅合輸本色不許抑令折納倍數取贏令臺諫監司覈察從臣寮請也○五月詔成都潼川路旱歉令制置司及各路監司疾速措置賑卹務要實惠及民仍攷察郡縣奉行勤惰以聞從臣寮請也○辛巳御集英殿賜正奏名進士黃朴以下及第出身凡五百五十七人○乙未賜特奏名進士繆蟾以下同出身文孝助教一千一百二十一人○臣寮奏近年文氣萎靡乞申飭胥監師儒之官專意訓導使之痛習經傳攷訂義理課試選掄須合体格去浮華穿鑿之

改其轉移士風從之

甲辰詔戶絕之家許從條立嗣不得妄行籍

廿

人臣寮請也○辛亥臣寮奏浙西漕運糧特具江石塘以隄水

年修塘寨兵盡為他役隄岸頽毀之下漕司抽回以時補道多

見正奏名進士射○臣寮奏乞今後非軍期大辟劫賊等事

不得差人下縣縣不得差人下鄉常令監司覈察從之○戊午引

特奏進士射○癸亥賜聞喜宴于貢院○以久雨命從臣日一人

禱于天竺山○詔沂靖惠王府改講孟子○七月丙寅詔廣西州

縣應闕官毋得以白身借補人充攝○戊辰臣寮奏乞宣示二三

大臣自今起復士大夫必甚不得已出於特旨監司帥守不得陳

乞若州若縣常程差遣停令幕屬之類撓辟吏部使闕見以起復

在任日服內月日並不許作實歷選人○冬余削亦不得放散已放

散者悉與駁正從之○辛未臣寮奏乞嚴飭有非休假不許出

謁或實有幹故先申尚書省方許出城從之○癸酉新加常德府

縣申儒朝辭奏至州縣重催稅賦生民重上曰民力甚苦自是州

縣不使愛民之意卿到任當以愛民為生○辛巳臣寮奏乞明詔

戶刑部嚴行約束二廣監司郡守用刑而道

理宗紹定二年

理宗紹定二年

不許
刑獄

二廣
數盡
之書

陳
奏
事

以
禮
王
油

曹司買銀須依時直不得低價數買船自每歲差官機察就委逐

州通判不許吏卒越界追擾生事從之八月丙申朔詔戶部遍

下諸路州軍不得增收苗米多量斛面許越訴仍令漕民覺察從

臣寮請也○丁酉臣寮奏州縣典獄官吏或淹延久繫或牽惹無

辜或奉上官而失本情或行暴虐而取賄賂乞飭諸路憲司禁戢

懲勸從之○辛丑進知靜江府趙崇模直敷文閣因任以職事修

卒故也○壬寅監察御史留元英奏二廣列郡及福建上四州惟

鹽是利守令剋剝於常賦之外籍戶口以敷塩民被其擾近者汀

寇亦基於此乞戒飭二廣福建漕司嚴察州縣痛革前弊仍令憲

司歲行所部許人陳訴從之○丙午臣寮奏州縣供攤告訐一害

乞今後凡追寃不實者許被害人越訴仍令監司覈察從之○丁

巳詔通義郡夫人謝氏進封美人二年八月封貴妃十一月立為

皇后○九月乙丑朔詔禮部國子監下等上舍必循舊法守法

用例徑赴殿試從臣寮請也○丁卯台州水○壬申臣寮奏

吏部應曾經論罷之人雖免約法而贓狀顯白並須經郊方

王或被論卡久遇赦令待後郊庶令畏憚從之○丙子秘書

王曾龍奏聖孝深遠自得本之於致知格物達之於治國

下上曰如是則人主之孝當以致知力行為本又奏乞裕民

出邦本上曰朕未嘗無愛民之心但州縣不能奉行爾○壬

辰○壬辰進知臨安府趙立夫官一等以和羅有勞也○有流星

大如大白○十月乙未朔詔諸道提點刑獄以十一月按部理囚

徒○癸卯太宰錄陳填進奏方張之末亡之金叵測之忠義跳

梁之群盜皆所當慮上曰此正治不忘亂安不忘危之意填奏正

為國体未為治且安耳又奏用人貴乎公上曰今人才亦自難得

○丁未臣寮奏乞申飭監司郡守自今所屬闕官以攝事毋得

差非見任官如有違戾其受差及差之人並鐫斥從之○庚戌詔

莊文太子府改講荀子○進知吉州趙汝愚官一等以和羅有勞

也○己未臣寮奏百司庶府循例而忘法監司守令枉人而徇情

乞飭內外奉行法令從之○壬戌詔賑贍台州被水之民蠲諸色

賦租有差○丁卯臣寮言乞下國子監內外學校之官於士子

程課之外迪以義理之孝厲以行藝之實從之○新知婺州莫澤

詳上曰婺女正要得人扶持記得向時守臣魏豹文曾理會經界

理宗紹定二年

當都民

度正 奏力 行即 儉

起陳 撥捕 盜賊

行得如何澤奏娶女向時凋弊皆緣稅籍不明今經界既正賦役均平故不費力上曰義役聞尚未了澤奏義役乃民間自樂為州縣但能扶助耳讀至盜賊題上曰峒寇尚未消弭正要理會澤奏盜賊不足慮全要州縣得人上從之○戊辰新知慶元府鄭損辭奏事上曰卿當防遏海道愛養軍民損奏謹遵聖訓○己巳太府少卿知臨安府趙立夫進對乞將海內茶槽下沙合為一寨上曰每寨幾人立夫奏多者百二十人上曰京城民訟如何奏云臣幸與民相安上曰都民當撫摩使常在春風和氣中不可使有愁歎上問刑獄如何奏云本府三獄兩獄常空上曰民命所關不可淹延○乙卯臣寮奏乞令戶部下諸路監司凡民訟依次第官司結絕如未經字奪不得索案改迭先從臺部常切遵守從之○己丑熒惑入氏○賜劉光祖謚文節○十二月丙申雪蠲大理寺三衙哈安府點檢繳賞酒庫所見監贓賞錢給諸軍薪炭分出

賜喜宴于尚書省○丙午前知安吉州趙必觀進對上曰臣嘗頃腐爛人不以為重上曰此緣銅分稀少奏事畢上曰必觀女輩否必觀奏臣刀至郡民不聊生聖恩賑給連歲小

羊亥 蘇材 工部清之為端明殿學士兼書樞

事○乙卯軍器監度正進對奏江西福建湖南災傷老弱轉墜壯者遂為盜賊上曰此其州縣不得人以於此下

人選任之際更宜謹之上曰選任詎又不一審請一近來義軍及破落士人去為賊用上曰亦聞得如此正奉之行下諸將隨宜招收籍以為軍士人在賊中者亦宜招諭之上曰朝廷見如此施行正奏如此正合事宜更宜示之以信又奏宜力行節儉以阜財用以化貪鄙上曰恭者不侮人儉者不奪人朕平日力行此二者正奏既已知此則自不至於侈泰然臣猶望陛下節儉之中更加節儉○丙辰再給諸軍薪炭錢

更節 紹定三年正月壬申雷○臣寮奏乞令諸路提點刑獄官親行所部凡翻異駁勘之獄同守臣審鞫便宜予決毋得滯留其有職兼守臣者以次監司行從之○二月丙申日有背氣○庚戌以朝奉大夫魏大有直寶章知贛州措置招捕盜賊起復朝散郎陳鞞直寶章閩知南劍州福建路馬鈴轄同共措置招捕盜賊起復朝奉郎趙蔭以將作監知鎮江府起復承議郎趙葵直秘閣

理宗紹定三年

奏高宗

奏用恩赦列

知滁州○庚申詔蠲江西湖南福建盜州縣租稅○癸酉

入理寺上逃卒穆椿踰入皇城燒殿中杖罪狀詔穆椿陵遲切斬

除黥隸有差○乙酉太白歲星合于畢○戊子詔江西湖南福建

寇盜凡脅從之民束身出官並與釋罪能自戮渠首而來者補官

遇官土豪帥衆立功者官之○丁酉雨上○戊戌臣寮奏乞補禁

衛兵額戒內侍毋得私役革債号修火政以肅宮禁從之○癸卯

詔祕閣校勘李心傳已歷兩考研覃典籍恬靜可嘉特改合入官

○癸丑置會子庫監官一員專作堂差以有差選人充○四月癸

亥臣寮奏願陛下仰法高宗賞功罰罪之訓宣諭輔臣大明黜陟

俾內外小大之臣咸思激厲趨事赴功或有畏避自為身謀必罰

無赦從之○己巳日暈○庚午詔諸道提點刑獄以五月按部理

○癸酉詔蠲紹興府餘杭上虞縣民占田麥以水災也

不詔以今年九月有事于明○亥詔公明堂

儀物諸軍賞給悉循舊制外其禁與服御及外支費

○丁未壽慶節上詣慈明殿上壽○詔知徽州林孝聞前二

射殿閱諸班直射藝迂補有差○丙辰詔莊文太子改講文中子

○丁巳臣寮奏乞下江東西湖南北福建諸路總漕倉司應鄰境

被寇州郡合解諸司分物比之常年期限並展一季詔令戶部詳

度上于尚書省○六月戊辰臣寮言二廣諸郡凡教官法掾自謂

閑官率厭風土寘身臺幕乞行戒飭如此後循習不悛並與鐫斥

帥漕併寘于罰從之○癸酉錄行在繫囚○乙酉歲星入井○辛

卯臣寮奏乞戒飭郡守痛革稅賦刑獄差役版籍四弊從之○壬

辰臣寮奏乞戒飭二廣漕司嚴禁所部州縣丁分每歲覈實見存

之數造簿依條限前期發下催納銷注違者按劾詔令吏部詳度

于尚書省○七月丁未臣寮奏乞今後踈決先期降旨下臨安府

三衙應犯罪在旨揮前許引用恩赦如旨揮後有犯雖已停決不

在原減之數其合引赦人不許於停決前輕行斷遣如或違戾並

從故出入人罪條制施行令戶部詳度上于尚書省○癸丑臣寮

奏乞申嚴堂除之制庶幾士者毋敢躁進中書之務可清從之○

八月庚申以知樞密院事薛極為大禮使參知政事葛洪禮儀使

同知樞密院事儀仗使僉書樞密院事鄭清之鹵簿使吏部尚書

理宗紹定二年

揚燿橋道頓使○癸亥詔明裡侍祠執事官既受誓毋得臨期
 規避如或循習必罰無赦仍委臺諫覈察○九月辛丑大饗于明
 堂赦天下○丙午詔封美人謝氏為貴妃令有司擇日備禮冊命
 ○庚戌雷○壬子詔令浙西提學司下所部州縣將修復園田減
 納苗稅毋收斛面○十月辛酉臣寮言乞下吏部今後縣令獄官
 須曾歷三考有縣令舉主三負無過犯人許注毋得作破格輕授
 或監司帥守辟置亦令吏部審實合格方許放行從之○壬戌進
 知棗陽軍中嵩之官一等以置堰屯田有勞也○臣寮奏銓選六
 弊乞下吏部檢奪旨揮恪意遵守從之○十一月丁卯殿前司奏
 乞撥本司一千人名額令嘉興府招領海漁業慣熟風濤少壯趨
 捷之人試驗刺充敢浦水軍仍增置統制官一員通行部轄從之
 ○癸卯臣寮奏曾經奏劾有求不得親民差遣旨揮之人如引赦
 陳乞改正並令都司吏部取元犯攷訂除情輕從舊制外其或貪
 賍慘酷刑寺不得例作不曾推勘免約法許令改正從之○丙午
 詔壽明慈睿皇太后明年聖壽七十五古希有甚盛之慶令禮部
 太常寺討論以聞○丁未流星晝墮○戊申詔貴妃謝氏立為皇

后令有司擇日發制初上意向賈氏楊太后以謝美人端厚有福
 遂立焉○辛亥出封椿庫緡分二十萬製皇后禕衣○丙辰以蘇
 極撰冊葛洪書冊同知樞密院事袁韶篆寶○十二月庚申詔曰
 養莫大於尊親永依慈造福必先於曰壽且茂徽稱偉慶事之
 煌洽歡聲而洋溢壽明慈睿皇太后載安宗社兼休乾坤宜加
 尊吳曰壽明仁福慈睿皇太后其令有司詳具儀注朕當親帥百
 寮詣慈明殿奉上冊寶○甲子詔以史弥遠入見敷奏精敏氣体
 向安朕尊禮元勳未欲勞以朝請可十日一次赴內引入堂治事
 ○乙丑以僉書樞密院事鄭清之為參知政事兼僉書樞密院禮
 部尚書喬行簡為端明殿學士同僉書樞密院事袁韶為資政殿
 學士浙西安撫制置使兼知臨安府尋控辭○時江淮制司及揚
 州累報山東李全起兵犯通泰州

初寧宗親命立濟王為嗣忽一日濟王書于几上明言揚后之
 事云史弥遠當央配八千里左右皆丞相之人徑報弥遠弥遠
 懷異志兼濟王亦無人君之賢是時真西山兼王宮教聞其事
 遂力辭去臨行謂王曰大王若能孝於慈母而敬於大臣則
 位之除必矣寧宗疾其言立
 渡江一馬化為龍曰此夢正

紹定三年

人早過西夏接得理宗与福士相之理宗乃坐林猗形遂决策
立之迁濟王過湖州市有礙國軍蒙藩于藩丙者憤其事遂將
書約李全於二月十五立濟王此時李全守淮安軍羅文傳
信卒二人監至去取回書至易書以元約月日報之至期藩于
官重賞復令送去取回書至易書以元約月日報之至期藩于
藩丙果立濟王後圍揚州統殿前司馬步軍誅之尋殺濟王李全
知之遂反過此後圍揚州城門掛榜上許百騎入城
李全移營灣頭亦放灯觀灯聞李全喜着白袍
觀灯聞李全喜着白袍又次夕百騎皆皂袍
夕百騎皆紅袍又次夕百騎皆皂袍城出法吹一
退至第三年修城甲一領方知全死於此矣

詔曰逆賊李全蓄奸謀大逆不道已敕江淮制臣率兵追討可
削奪官爵停給分糧罪止逆賊罔及脅從逆黨有能擒斬李全以
降者仍給散分糧更加不次之賞○丁卯御文殿冊皇后○壬申
以雪寒詔出封樁庫緡分三十万賑卹臨安貧乏之民○乙酉慈明
殿出緡分一百五十萬大犒諸軍賑卹臨安貧乏之民

增入名儒講義續資治通鑑長編卷之三十一

